



10541

陳巖野先生全集

同里後學温汝能

卷之三

五言古

七言古



南上述懷

人生際中晚譬若萍隨水禍福非所謀母令媿青史仁
義本何嘗蹈之則君子蹇余生不辰西北風塵起謀國
彼何人皇輿倏傾圯藿食雖無責良亦有餘恥所賴宗
社靈真人嗣豐芑湯湯橫流波半壁東南峙撫膺疏往
事血淚欲盈紙逝將瞻闕廷何必曾青紫客日子何其
鰥生寧足齒士固各有志遑問譽與訾芻蕘如可獻亂
略庶有身寄言謝同人但祝道如砥

陳巖野先生詩集

卷三

五言古

又

薰風起南溟揚帆指京國授衣兼暑寒輕裝任羞澁親
闈旣捐棄遠遊今亦得中饋屬久虛有妾侍巾櫛兒女
各穉幼大者僅成立頗亦解大義不作牽衣泣但囑蚤
來歸毋爲戀天邑我家本單微筆耕歲自給非關慕榮
膴其如值傾側亂流如未濟孤舟逝安適著書三十篇
字字揮血汗持此獻彤廷太倉餘一粒羣策倘輻輳濟
時尙有及微志苟獲伸懷哉卽家室

次荅曾清仲

皇造當震業中興方兆謀肉食豈無人所需在英猷往
事旣以誤蓬茅懷杞憂聞者粲然笑誰能念同舟庶幾

謁精誠感格明與幽二儀何附麗良亦氣所浮以茲捧
土微逝欲障狂流同人聞此行慰藉稱壯游挾琴佐素
酒商歌義兼優念子雖投閒乃心在凝旒築臺自隗始
庶以倡同仇離筵不盡醉委之置道周我懷如靡及非
以爵通侯

滇陽峽

雙峰若人立舉手相攀摘步障四十里愷崇勢均敵滇
水出其下石竅怒奔激南去滄溟深北上危峰逃磴道
雖新鑿猿猴愁絕壁往年罽牽夫山鬼至今嗅嶺外多
形勝險易相撤掖從王未厭紆禦侮貴其僻通道信云
功毋乃爲張趯勗哉慎設險罔俾生民螫

贛野集

卷三

五言古

二

贛關接雲淙老師手書兼聞大疏二首

天造鍾聖明敷求極南海先皇留舊德蒼生望槐宰蹇
蹇志匪他憂國我心痲聞變已趣裝主恩况踰倍出處
有大義報稱如靡逮新銜例有辭良亦臣丹在小子庸
何知遠咨及微猥途次奉誨言跂予望風采叱馭正駢
駢雲臺方洒洒宏贊願蚤聞旂常炤千載

又

驅車靡晨夕川原不我與行行度贛關計旬已盈五緬
昔發珠江聞者相枝拄夫子未心許乃亦不色拒躍冶
固所矜譬之狂狷侶道路阻且長江皋日延佇珍重書
中理進退慎所處匪爲一身謀而以觀幹蠱古人有大

略九九尙可舉言有重百朋亦有輕一羽孤懷惟自靖
遑知吐與茹傳聞多異辭沉憂切中腑勉旃卜此行豈
必隄梁父

訪宋鴻羽先生弗及

繁氣日乘除二儀何寥廓往世旣莫追來茲渺難度我
聞古哲人前知如炤灼於漢頌京焦於晉稱管郭史冊
傳其語而今不可作偉哉宋先生名理淵以博足跡半
中原神姿方矍鑠大者談廢興小之驗風角冥搜析糾
紛大義恣揮霍先幾告徵符已事悉如醉癸未歲先生
豫言國變
渺余謀面晚向往神先躍道詔聞動定抵虔云已邈不
後復不先相違惟一昔緬憶凌江道六日臥高閣何哉

陳野野生詩集

卷三

五言古

三

詎良晤此病洵云瘧讐逆聚秦隴匈奴躡河朔庶幾聞
緒論於以起文弱草莽但杞愚至人猶屈蠖何時覲遇
踪高談叩冥漠

十八灘

章江十八灘天下聞絕險急湍怒若號怪石覃如剡大
者犀象蹲小者芙蓉颺輕舟睇兩岸迎眸如電閃篙師
誇利涉長年有餘歉誰移魚腹陣置此青山崦我觀古
贛城雲峰千萬點四藩稱上游叢筍存舊染所憂或馳
突豈患餘皇飴何因借秦鞭驅之執弧屨

去冬寇陷吉安諸孝廉自公車南還者棄舟走

他道間關僅達而余姻家馮介孚步自東崕輕

舟徑度余聞而壯之茲道出螺川覽觀形勢想
見風昔經行之處可謂知兵矣因賦所懷以質
介孚

大江日夜流名城高翼翼云誰風鶴驚俄爲狂寇得舟
行斷往來聞者皆失色黔驢枝幾何胡然空惕息隔江
有長道遙遙如矢直行樹相掩映翠巒紛可陟矧伊恫
喝初餘威詎能極褒衣仍緩步匪紆亦匪棘指顧俄出
險偉哉徵定力以茲審敵情彼已云胡忒何當建高牙
羣氛受徽纆

余以九月四日抵南州訪戴初士承惠尊人大

圖先生集及渡青閣愛廬諸刻次日取道西山

陳巖野先生詩集

卷三

五言古

四

別後却寄

洪喬亦作郵

時致同社
龐升士書

信陵非一客半日豫章城匆匆

若遺跡含意各未申我行良獨迫南雁復相催詩才遽

殫索明發道西山低徊碍騰屨旅次乞膏火讀君渡青

閣先哲肇淵源風徽儼疇昔繫昔神皇季此道趨靡弱

山陰初濫觴揚波自夢澤後進轉慕效前修恣彈射陳

詩辨廢興悲哉忽如醉大雅未蕪沒匡山畱孔碩王李

浣其濃袁徐益其液所埃在千秋時流詎能度末學秉

微尙騶發亦同的托居窮海涯汲深慚未獲哲人不可

作堂構幸無斲中興屬伊始繁音宜蕩滌何因附莒邾

與君振標格

九月晦日

鄱陽秋水闊鳴鴈求其匹嗟我糟糠婦練祥俄已畢我行在遠道悲來難具述憶昔丙寅歲親命初受室貧賤共黽勉歷年十有七子男四乳具二女存其一汝棄阿虞去母子裁三日臨危片語無血腥染衣袂譬彼蓋臣節盡瘁忽罹恤子居無姑嫜呱呱環繞膝歲月漸云邈入戶如有失秋風動前林萬里氣蕭瑟咄哉杞人愚憂國豈其質跂余望故園兒曹初卽吉扁舟日遷延豈不懷親暱會當蚤還歸庭前戲梨栗

題港文簡公書院兼懷如珩親家

江門振絕學文簡紹微言風範師百世遺澤在都門後

懷巖野先生詩集

卷三

五言古

五

進欣所托俎豆久彌敦繫昔明盛日儒耆侍天關公餘迺來者講席至今存仰止訪遺蹟披尋徧邱樊矧茲京國游彷彿覲槃墩行邁愧弱植何當嗣淵源徘徊讀書處南望憶聞孫

如珩頃年應薦讀書院中

寄臨川劉鍾台先生

二首

放勳詒峻德隆準啓炎籙夫子神明胄風期曠相屬綰符蒞南交芄苗餘霖霖時修握手歡宏佚稀節目三載晉容臺百粵懷涵育宏濟諒匪他豁達良已足徘徊眺高旻星漢互暉燭時艱已宏多至人在空谷

又

士有不得志閉戶塵凝几驅車駕言邁念年不踰里草

莽懷杞愚中宵頻徙倚馬齒日以長然疑互相訾居圍
屬多虞安能爲園綺飛鳥艱羽毛國士慚知己悠悠望
江鄉所思若庭圯毋然戀巖阿勉爲蒼生起

贈梁漸子 四首

徑寸明月珠遠在南海滄一朝登廊廟萬乘揚光輝物
產固無盡重輕各有時聖明寶得賢川岳氣應之有美
方茂齡蛟宮失其奇古道深自勗高文列鼎彝對此希
代質願我爲小璣嗜欲會將至光怪方陸離願言獻天
子南琛良在茲

又

有懷不自喻無金喜結客志意匪恒期時以寄吾跡所

陳巖野先生集

卷三

五言古

六

思如有人求之不可得及門曾子固於君爲夙昔聞聲
已相思耿耿在中隔九年春正月夜光皎如璧醉裏從
羣謝座中猶別識遲明讀君書讀之動顏色薰以蘭蕙
膏崇以珠翠飾令質本自妍區區非所益帳中不敢秘
服膺永無斲

又

大雅屬榛蕪小言多破道獨行徒侶稀時復孤懷抱志
士謝衆咻千秋恣元討俛首爲制義不如古文好近猶
凌晉魏遠乃追維鎬渺思入青冥瞻矚周渾灝同時陸
浚儀一見驚絕倒憶我如君時懷古意如擣饑驅謀旦
夕十年坐草草窮達知有時立志悔不早所願行其言

毋爲但詞藻

又

海氛初就平驕敵猶匪茹潢池有弄兵逋誅在秦豫材
官非不足往往煩召募司農憂轉餉反裘未遑顧遂使
聖躬勞況也諸曹署草茅空有懷所守在章句溫飽非
良圖毛錐復何與子房信文弱乃復多智數懷哉圮石
人斯人良可慕君如對承明何以借前箸

漸子所著有
圮石人藁

送葉公士還吳

越海浩茫茫涵虛王百谷自昔神山浮峰巒削蒼玉別
島不知數海上如鳧浴葉子自北來三年鳳城曲鳳山
鬱岩崑鑑江環其麓石橋臥長虹波光炫綺縠五月荔

陳慶野先生詩集

卷三

五言古

七

子丹樞火燄相燭冬氣仍暄暖巖岫多卉木少府官署
閒清歌時互屬談元對大阮論文兼小陸山川有元賞
半作邱索讀我聞漢腐史文章寄馬足遊興渺無際南
盡湘陵竹百粵時未通五嶺苦羈束君今賦倦遊歸途
幽勝熟片帆發香浦暮雨迷中宿三峽指庾關啼猿聲
斷續囊貯羅浮去山靈共追逐長嘯揖龍門回頭謝帝
儵睠言交游中臭味互芬馥所恨相見晚如何分袂速
丈夫志四方羣聚豈麋鹿中原大如斗攬之不盈掬誰
能向戶牖終日長齷齪睽合未足論肝膽遙相勗會當
騁亨衢萬里恣遊目

夜別

予子江上踪過從何寂寞有美婉清揚驅車破牢落談
諧未幾語乃復輕然諾感茲綢繆意駕言采芳葑名園
盛主賓斗酒相娛樂風流映坐隅中夜聽絃索酒闌忽
遐舉此過乃不惡悠悠城上烏矯矯雲中鶴晨風四面
起淒其倍于昨大黃遄問津小黃臥高閣睠焉不可留
浩歌返南郭握手勞相將分攜意惋愕寒衾不帖席明
月滿屋角乃知意氣急反爲交游薄

夢母

東風入江樹古巢發新枝有鳥將二雛中道失其雌大
雛就口食小雛鳴且悲感之涕如雨念我靡依時悠悠
八年所冥漠恫餘思峽江匪云遠昨夜夢見之睠焉問
陳巖野先生詩集 卷三 五言古 八
婚嫁標梅當及期念子方食貧何以爲行資含顰拜稽
首妹氏今遠離嚴親重頤養家督敢言疲同氣亦無幾
甞勉分所宜聞言似顏解撫慰不能辭明發一追省蒼
茫霑我頤幽明渺以隔精爽嘗相隨生事尺寸間俯仰
愧埋遺馮鳴桃花發母也重猶夷荏苒日斯邁胡然天
一涯不能慰重泉安用生兒爲

黃又生先生開府吳淞作此寄懷

皇風播清醇重熙愛方國底貢極東南控弦勁西北悠
悠炎海濱繁星拱辰極繁昔際神君撫循洽文德惠與
鑑川流五峰增嶺嶽治行揆皇鑒風采奮白筆周咨勤
四壯天閑麗卿月帝曰汝股肱往哉鎮吳越吳越三江

上經賦北如櫛大者筐機絲小之包袖橘歲事屬多虞
疆圉況孔棘誰能後徵發所期在軫恤鯨波待長城勞
民依愛日若昔周文襄於今見其匹瞻言舊甘棠蔽芾
垂萬室色笑曾未遠旌麾間疆域維楊共星紀望之不
可卽早晚泰階平論思佐袞職何當一者來永懷歌九
罏

夢黎洞石先生招飲大雅堂蓋秘書公之詒耶
覺而賦之以爲先生壽

雲漢委揚粵輝光燭重溟邃古雖云邈簫韶畱其聲先
皇滌華夏敷天揚風霆此邦識真主晏然不被兵南園
盛儒藻風徽代相承秘書奮逸足百年紹宗燈宮詹主
陳巖野先生壽集 卷三 五言古 九

前導梁歐爲驂乘三駕入中原羣雄不敢爭旣以張南
國亦又垂雲仍緬昔神皇初諸儒何錚錚晚起不及見
頽波漸縱橫先生太古徒家學稱紹庭解綬早來歸三
徑怡高情於酒陶彭澤於詩杜少陵大雅未榛蕪歸然
存典刑顧茲堂奧上蹙躡何繇登夢寐時髣髴若蓬
與瀛持此介眉壽爲君祝如漚

軍號一百二十字

明昭維熙朝奕葉垂德潤天心兆雲雷神皇留聖胤我
后睿且仁中興方應運龍飛自端城豐芭蔭炎郡翠華
臨桂管楚粵聲靈振何斯溟海濱羣戎稽卽訊主恩深
未酬丹誠衷所韞瞻言熊羆士桓赴氣俱奮投鞭壓衆

川揮戈平萬仞風霆助行列籌畫伸威信載驅啟南甸
包舉兼齊晉旂常勒鴻勳千秋揚淑問

戲贈華巡簡

既有明兵科亦有清巡簡一索繫二賢同舟負刑版兵
科緣伊何髮長兵略短巡簡緣伊何土豪相推挽蹉跎
陷圍城所恨見機晚攜手赴泉臺誰爲奠漿飯

大廟峽

怪石攢峰橫截嶽巨靈手擘顏如鐵重關三疊瀦潭深
懸絲兩溜奔流折北詔南廣此中分千里連延入楚閩
豺虎氣驕嗥夜月猿猱愁絕嘯寒雲舟次看山山欲墮
更看錦石中流鞞水涸如逢灑瀆堆流深却擬橫江鎖

陳麗奎詩集

卷三

七言古

十

湟川瀆水兩湯湯掣電奔雷怒欲狂挽路上江俄斷絕
長年板柁較毫芒蠻烟瘴雨仍中判海暎州郡資屏翰
盧循暫過遽東浮黃巢闌入俄西竄峽外羣蠻黯不開
奧區奇道更紆迴憑誰建策能增長得熙攘滿越臺
舟發韶州贈宋大都督

乾坤板蕩網維裂燕薊陰霾鼓聲歇靈長不改舊河山
廟社幸懸新日月纍臣萬死有餘誅遺恨千秋留哽咽
義士依牆欲控誰書生灑淚渾如血長組徒慚七尺軀
擊賊擬憑三寸舌棄家北上走金陵先度韶陽瞻節鉞
共傳客揖大將軍幕府聞之皆歎絕將軍風槩古人同
疆場南北多殊烈誓提義旅見君王旋向西秦殲逆孽

麾下元多渾侍中竹林況有邵康節
竭來我亦慕伊人
望之不見中懷結
願因郵致訪高蹤
更與盱衡商俊傑
丈夫報國各努力
何間崇高與卑子
江上維舟五日強
三復載馳增感切
悲歌投贈寫中丹
擊楫揚舡向天闕
江上逢大行哀詔
適歐嘉可惠寄詩
筵伏枕無聊次韻
奉答語於來贈不
倫以誌感也

噫歎歎天南遺民此日抱烏號
迴風蕭蕭兮燕雲萬里
望空勞客子悲來病骨高
日隨縞素送輕舸十有七年
明聖主一旦誰知身似羽
萬方間變已經時哀詔初來
秋半去九鼎凝禧再奠年中興
勳業仗羣賢阿誰淹久
皇華節却教紛籍恣訛傳
君不見昏迷天象羲和戮
况也陽曦掩炤歸濛谷
泄泄前車潛莫懲誰與發憤爲雄
佐光復扣舷號慟一狂奴
欲趨南國忘南禺憑將却寄
稱詩者讀未成聲淚雙下

梅嶺行

誰云梅嶺高山椒
雞犬辨鳴號誰云梅嶺險
劉漢丸泥曾不揜稠疊
連峰小徑紛東西百里望
如雲懸車束馬皆堪度
綴却關門仍有路輪蹄
任輦日交加領將炎服

赴京華浪誇百二藩
南海嶺外較之應十倍

自雄州南下若詔之

滇陽峽廣之中宿峽皆險
隘僅通舟楫而大廟峽介
廣之間鐵壁千里陸路斷
絕非輕舟不可上下此吾
郡北門之固也
古來守國在人謀
潼關劔閣未云優
君王有道

干戈偃玉帛車書侈壯遊

南安太守行贈梁昔莪先生

南安太守黔而理清炤南安江上水不獨南安人吏頌
公清自從里居已如此以茲一清振殊俗冰壺湛湛輝
巖谷州當孔道夫甲繁悉心擘畫皆禔福去年狂寇犯
梯連星衡袁吉各蔓延長吏棄城氓庶走寥寥賊騎遂
無前先生聞之髮怒指誓守孤城報天子三札請兵兵
不來區畫家書拚一死編氓萬戶感精忠效死不去與
公同寇聞悚息不敢動坐令章貢皆完封君不見吉安
諸郡多名碩昔人風節空陳蹟一時汙賊假游魂轉盼
王師焚玉石死寇死兵死則同處死寧知分迤逆南安
山城大如斗崇義上猶皆隘口章水東流節鎮遙不有
陳巖生詩集 卷三 七言古 十三

錢

丁亥仲春余歸自嶺右暫憩鄉園讀杜工部秦

州雜詠悵然感懷因次其韻

二十首

故國還春色通人此倦遊閉簾門內影兼輛客中愁
鼙鼓連三月車書隔九秋奮飛如可達兒穉謾相留

又

三辰開玉歷八桂寄行宮剝復關元造謳吟自遠空羣

騎參畢月諸將馬牛風長歎
佻佻子披霜徧二東

又

中原餘白骨嶺嶠亦黃沙
短袷從新制飛薨散舊家
騾絲鳴鏑疾駿足注坡斜
瀕海風濤地□□莫浪誇

又

奮零應有漸涕息已多時
豈謂柔柔造居然麥秀悲
置身憐晚暮憒舍愧棲遲
會策青藜杖猖狂恣所之

又

夙昔遊南國趨程半歲強
山連廬阜峻江入海門長
古殿翔鶴鷺良家控驢驢
何時重擊楫佇立鬢毛蒼

又

陳巖野集

卷三

五言律

三

載驅會傍塞逐伴却來歸
博道成金注高山負玉微
雙江援旅絕五嶺戍兵稀
爲問誰專閫經年未解圍

又

海氣潤三山彤雲縹緲間
豈應無勁卒誰與固重關
魚服困何急龍髯去不還
侍臣恩遇重回首若爲顏

又

湛湛蒼梧水朝宗去復回
轆軒親被命影國爲誰來
使旨東西迕高牙取次開
深慚魯連策空復子山哀

又

銅鈞隨魏闕鐵馬驀韓亭
埃火連城絕陰燐夾道青
中台仍晉緯南斗雜□□
行遁君休笑時危在遠坰

又
正憶投荒遠應憐側目繁何人爲李地無路覓桃源
息影防謀面孤踪怯傍村羈棲吾已慣遮莫老空門

又
馬蹄春趁早雲脚曉鬢低恩詔來黃屋中途拜紫泥
園陵吳會北行在桂林西何事鵷班遠前村困鼓鼙

又
短褐衝寒隴徒行涉澗泉浮名爭屬目貧病任流傳
遍野驚羣盜滄江當並邊鄉關曾未靖況也勒燕然

又
飄寄曾無地崎嶇暫抵家短垣憑僦舍瓶粟擬量沙
懶
陳巖野老壽集 卷三 五言律 古
謝楊雄草愁荒邵伯瓜春風深閉戶開落任江花

又
轉徙知吾拙平陂信有天却憐蓬矢奮差少羽書傳
纜翠依金閣烹雲近玉泉干戈如永偃高枕故廬邊

又
物產川原盡生涯寇盜間無愁應岸柳不改是春山
古戍饑鳥集江村乳燕還未須愁遠道多恐淚痕斑

又
固窮甘薄宦久客悵離羣空復依南郭誰當問子雲
練裳憐旭日蘋藻隔春分流俗從姍笑佯狂總未聞

迂愚逢世難寂寞對春光馬首初停策鶯聲不度牆避
人疑畫地念亂戒垂堂何計乘桴去悠然一水長

又

漫道馳驅苦翻疑覽勝歸雨牕寒對瀑海日夜生輝地
迴臨蛟穴峰高礙鳥飛頗聞驍果在誰爲暢皇威

又

南武城猶昨西歸路未難誰能將桂管一爲度桑乾赤
羽摩雲近樓船耀日寒但令懷報主端合早登壇

又

薇柔聊可採荼苦復誰知有淚傾遺老無金結健兒佗
封元禹甸劉苑舊湯池聞道新花發殷紅戀故枝

陳巖野生詩集

卷三

五言律

五

自九江還龍山

行道經年後扁舟晚渡江語鄉猶故里于國已他邦同
瑁還誰受冠綏復幾雙眼穿憐小婦愁絕對銀缸

次荅董才孺二首

漫道孤臣遠寧堪血淚殷重明迴日馭長路憶天閑列
戍開中土窮邊峙故山巖居差未厭何以破愁顏

又

嚴城青火夕古道白沙殷不有杞人恤其能桑者閑悲
歌懷曠代旅夢信關山何日咨微賤遲君一解顏

次荅黃秉昭

丁年拚落魄何意際斯時萬國歌哀郢孤懷賦載馳治

安應有策邊計本無奇客自思高密毋爲但賭碁

晚泊庄步

頗覺維舟慣翻憐旅泊新若爲催跋履空復向風塵時
序驚遙漢關河近北辰鄉心兼客思淒絕可誰論

宿清溪

伏暑江村道扁舟夜雨餘濟川情倍切衣袂計仍疎時舟
爲石所破天意存雷電生涯付酒廬望崖人已返征客意何

如

南雄道中逢霍階生

病後無顏色秋深有遠行漸於鄉土隔翻遣故人驚歸
思珠江道前途白下城嶺梅殊未發詒贈若爲情

陳巖野先生集

卷三

五言律

六

浩溪雨泊二首

兩度篷窻雨清溪與浩溪魂搖秋早晏身逐嶺東西鴈
叫江楓變蟬鳴隴秫齊無人知客況愁坐獨栖栖

又

道遠看山改秋深覺雨稀晴雲迷曉望涼月送宵輝木
葉纖纖下江流寸寸微遽然成信宿飛夢繞漁磯

野望

晝眠無意緒野望獨離憂南北千峰雨行藏一葉舟江
寒何浩浩風晚更颼颼咫尺洪厓道愆期未可求

西山道中

山光如愛客歷歷送輪蹄近野黃埃散遙空翠浪齊路

移峰欲似徑轉日初西未暇謀登陟母云句可攜

奉新署中贈馮調治且以爲別

五首

睽離踰十載一度故園看卓異親承寵栖遲尙此官舊
游民譽洽賜履主恩寬莫漫疑三仕冰心恁自寒

又

楚弓何得失國步忽龍鍾豈謂驅羣敵居然震九重近
臣忘漢節並塞沒堯封遮莫承恩蚤將能此日逢

又

名區分豫汭小郭度西山淨几雲霞入疎簾歲月閒震
鄰初帖息輓道頗間關爲報神君在蒼生合解顏

又

陳巖野先生詩集

卷三

五言律

七

天心迴玉歷王氣萃金陵租賦東南在謳吟遠近仍狂
愚懷大定名僞盛中興蚤晚膺新擢雲臺尙可乘

又

過從剛信宿造次復津梁投轄君元切驅車我自忙褒
封應密縣仗策豈南陽王路方追逐母言一水長

九日限韻

五首

舟中讀匡山集得秋搜抽偷不五韻詩因以
自律章數如之題不必同適興而已

令節屬高秋舟行當遠搜露蟬寒未歇霜葉醉初抽展
齒閒中過山容臥裏偷遙看青一點廬阜是耶不

又

飛翰發早秋山郭引旁搜語豈連宵盡身從一日抽褰裳緣國難封事嫉時偷爲問臨卽令曾經此客不

又

獵獵酒旗秋長年何處搜爲憐風半駛奈此水如抽渴憶江州送狂思吏部偷吳城知遠近前路待儂不

又

此日故園秋雲蘿處處搜萸囊隨俗佩箏線信風抽酒熟人從醉花黃蝶怕偷右丞佳句在頗念異鄉不

又

爲客復悲秋枯腸半已搜路岐猶悵罔河上類旋抽命酒酤辭債稱詩律戒偷醉歌忘采菊知是豫章不

陳襲野雀詩集

卷三

五言律

六

鄱陽湖

淺原垂禹貢巨浸列周官浪颭孤山動光搖五老寒遠帆疑鳥翼編戶半漁竿何意栖栖客淹留日夜看

霧

寒峭不成雪漫漫曉霧生凝眸迷咫尺撲鼻覺縱橫山色彭郎隱江聲石婦平驕愁久無賴撾鼓勸晨征

橫石舟夜

野燒平林晚荒村白葦秋鳴鉦巖夜號藏火辨更籌破浪懷空切聞雞志未酬前途看漸近羈客莫深愁

抵蕪湖

扁舟會不暮此日亦蕪關地望分三輔軍儲佐九圍滯

留江上跡衰颯鏡中顏漫道風雲近宵來夢故山

發蕪湖別同舟諸子

度嶺愛鄉聲聯舟况復情憐君初卽次而我戒孤征江

折西梁險天迴北極明未堪離思急桂酒更同傾桂酒吾鄉

美釀其法本出羅浮

贈蘇宇霖餉部四首

多難今相見神州半陸沈有懷助國步何意戀朝簪

歷皆殊績朋交寄素襟獨憐縫掖舊空負濟時心

又

踰淮無寸土浮海獨全師突騎增蕃衛長鯨避羽旗才

名交口遍威略建牙遲何日妖氛靖韓陵讀舊碑宇霖初令

陳巖野集

卷三

五言律

无

無極遺愛有碑今南北阻絕故借韓陵片石爲喻

又

古人云已邈鐵漢可能多有劍曾梟敵無錢肯繫靴乘

車盟不負卮酒醉頻過世路仍資格清名奈爾何

又

當年曾並轡十載讓先鞭牘豈三千奏樽慚五石豎山

河供雪涕歲月入霜顛爲憶曾夫子酬知意惘然

冠頌

生年踰二十拜命始三加歲旦留尊栢春光到檻花北

堂童稚夢東郭旅人家漫笑謀身拙吾生未有涯

渡江

別來能幾日不覺漸成寒風景他鄉異梅花兩地看渡
江人欲倦臨水路偏難尙笑絺衣在聽砧夜向殘

除夕贈人新昏

劍氣雙龍合鑿聲四牡驕宮妝凝楚黛仙吹咽秦簫夜
永同牢燭春開獻歲椒江城新柳發彷彿見纖腰

還自鳳城寄謝潘孺文太學

勝賞煩相命高軒枉再過君應憐意氣予自笑蹉跎旅
館蒹葭思青燈杖杜歌不辭課僮僕長爲翦藤蘿

送朱鏡澄解官還吳

言辭越江永歸醉洞庭春南國浮雲盡天涯別夢新垂
楊迷驛路綵服倦遊塵漸喜秋風近承懽薦美蓴

陳巖野先生詩集

卷三

五言律

三

重別葉公士二首

萍跡何來此風塵不可留報書逾十部交誼足千秋舊
業空環堵歸裝一蒯緱相期無限意休問敝貂裘

又

大雅風斯遠知音世所稀他山情獨切兩地夢俱飛楚
塞丹楓暗吳門翠岫微祗憑文賦在萬里未相違

哭門人潘幼韓

二首

十日增沈痼千秋隔死生人間金屋閉天上玉樓成遂
作修文夢難伸自牖情有懷顓南斗無術擬公明

幼韓
年甫

九十

又

片土能埋玉懸河易染衣不堪論宅相何以慰慈闈身
豈乘箕去魂疑化鶴飛三生如不昧重向舊庭歸

同舟

不寐夜偏永無媒春自憐江湖夢欲斷胡越意茫然樹
色籠孤月雞聲匝曙烟轉令親濁酒猶自悔賓筵

雨夜宿吳朝泗江閣

去家五百里相過重鄉音客路樽前語江流檻外心風
連三峽暗雲隱二禺深莫作登樓賦柴扉尚可尋

薄遊

極目楓林外故園安在哉山川曾有約秋半未歸來
暝色千峰雨江聲萬壑雷薄遊仍度峽鄉夢莫輕催

陳慶堯詩集

卷三

五言律

三

偶成

率爾成新句因之寄所思故人俱可念生事獨多歧旅
夜驚寒早鄉園返棹遲塞鴻南去盡吟望到歸期

避人

燭跋驚初至杯深奉片談舌存渾欲滿癡絕小成慙露
浥琴心冷愁兼酒力酣不堪城漏轉參伐獨當南

中宿江上雜詩

十首

草閣平臨水江沙遠帶霜寒林知歲暮烟月是他鄉估
客維舟晚晨門報漏長旅懷餘萬疊清夢失羲皇

又

水落時添岸山遙半作雲滿帆來片片斜日照曛曛雙

悖歸前嶮孤鴻入遠雲倚欄誰與語招手二禺君

又

歲事頗不惡嚴霜差未凝水流低岸月風捲隔林燈烟
樹無高下寒香有廢興遣懷拚一醉安得酒如澗

又

江水朝宗急宵行尙作聲千林人乍靜半壁月微明柔
櫓爾何蚤晨雞初未鳴蕭然聽羣鷺孤枕意縱橫

又

五夜催城角千峰簇曉烟如何今歲月空度此宵圓有
客皆懷土云誰獨旅眠朝朝凝望眼送盡下江船

又

陳巖野老詩集

卷三

五言律

三

北上通遑武南流會鬱黔蔽江浮巨筏依岸割餘鹽漢
客波胡貢吳兒越女縑熙攘人盡爾遑問歲時淹

又

公榮多酒伴育長是情癡小作清狂事差忘羈旅時醉
迷中聖約歌愧外孫辭莫笑詆諧慣人間幾大兒

又

未須驚晏歲且得坐朝瞰海氣蒸初浴霞光尙半吞熹
微窺曲檻隱躍見江村故里雲峰外何人獨倚門

又

天末仍孤客江干亦小除未遑理舟楫省得覓瓜蔬歌
嘯且度日醉醒誰是予晚來朱叔子新寄數行書

又

浪跡成何事歸心日夜增年光催爆竹春色入孤燈世態祇如此他鄉未可憑明朝人獻歲南望意飛騰

端午前一日同馬子龍寓家弟赤兄拳曜軒吳爾景載酒過訪鄧行玉梁苑郎適至賦得二首

綵綵云已近鼙鼓寂無喧世講能過酒懷人兼在門雨銷煩暑瘴燈亂去留魂誰遣淳于醉離情未許論

又

燭光頻見跋笑語尙餘喧小作平原約如高靖郭門山城懸宿夢澤畔慰吟魂莫以歸與歎前期更可論

遙別謝衷伯

二首

陳巖野先生詩集

卷三

五言律

三

江閣聽鳴雨鄉心一夕催所嗟談未半相憶首頻回鄭重侯門俊琳琅上客才馬卿遊已倦何計伴鄒枚

又

正憶庭階下崇蘭半畝滋無人春自賞爲客夢還馳江上聊三宿關前豈五噫新詩遙作別長路更相期

贈郭我示

十日避旗鼓相逢未贈言小巫良自怯大雅更誰論伏暑宜杯酒秋光憶故園共將詩作活工拙兩堪存

聞變

十二首

漠漠腥風動薊門鼓鼙聲死日黃昏殷憂共憶宵衣久遺澤猶聞血詔存滿目河山留義烈故宮黎庶逐啼魂

江流不盡敷天耻薪膽憑將獻至尊

又

朔雪炎天盡帝臣都城金粟亦因陳不聞一矢能遺敵
敢謂中朝尙有人野樹春殘巢幕燕鮮原日暮泣幽燐
獨憑溝壑酬君父曾否當年悟徙薪

又

羽林北落奉王鈇入市何人也荷戈束伍自知存尺籍
餐錢空復飽侏儒內廷閱操軍聲舊貂貴臨戎廟算殊
城社隱謀窺不得況堪泥首又中樞

又

面孔猶人自肺腸也曾金殿獻文章家門肯謂恩私淺

陳靈先生詩集

卷三

七言律

音

忠孝誰傳作述芳未論奚珣終伏鎖却憐王衍亦排牆

如何率土慚□霜劍稜稜五十行聞變之始粵中傳有屬回五十八人白衣

衣冠仗劍拒闖悉爲所殺其事具詳塘報余遂據以成詩今諸刻不紀此事豈好事者爲之以甚降賊之罪耶抑秉筆者沒之以殺國之耻耶余不更初作存疑云爾

又

聞道空門忽濟然緇流誰著辨真篇猶存四大終何着
旋證無生可是禪按舞徵歌新燕婉求田問舍舊因緣
却疑頂戴朝簪重報國唯應義最先

又

十年謀國事招樵清野頻經補牘題土有分民城內外
生隨流浪水東西魂搖乍覺離豺虎手實俄驚錄大雞

誰爲繪圖持入告郊垞元亦是黔黎

又

重門列雉與雲俱奔潰相仍寂若無何限鷓鴣隨挺鹿
浪傳蛇豕是騶虞黃巾匝地烽烟斷白羽經年夜月孤
安得昔時顏太守平原一郡障□□

又

榆關春老草芊芊列騎如雲荷戟眠不向運河留一綫
可誰飛輓佐三邊西涼士馬終懷晉索部魚羊解擾燕
南北安危憂不細早騰恩詔到居延

又

天末提封自尉陀戈船曾記下牂牁危峰駭浪山川舊

懷野老詩集

卷三

七言律

三

白雉文犀歲月多未見星軺來北極却防佩犢起南訛
漫勞慷慨懷忠烈言念瞻烏可若何

又

蒼蔚遙憐季女饑榛苓長憶美人遲空教夏屋依荷柱
猶有循良治繭絲經界似占无妄課魚鹽寧問土風辭
天家板蕩今如此誰向清宵有所思

又

三百年來世澤長謳吟俄已遍炎荒反裘未許哀鴻鴈
飽宿何當□□□溪畔漁竿拚嘯傲江城駟介自翱翔
朝廷可是書生責倚劍酣歌笑爾狂

又

金陵六代帝王都此日龍興氣象殊最愛鄱南符建武
肯論江左有夷吾開天堂構畱神識率土弓旌識聖謨
隴上隗純今在否早教黎獻樂樵蘇

次荅大叅區几遽先生

不道□□俄犯□浪傳縞葛亦能軍中原半已成魚爛
草野寧當戀鹿羣燕鬣攀髯愁稜字秦淮扈蹕盛風雲
安危此日資元老蚤應蒲車翼聖君

次郡丞盧縝存先生韻兼荅黃子二首

誰睹長安與□臣海隅無路叩高旻不因廟社鍾真主
那得江湖寄此身故國煖焚兼玉石興朝廷攬盛弓輪
臨歧綺贈慚珍重未遣□□笑妄人

陳巖野先生詩集

卷三

七言律

庚

又

宵衣聞道歎無臣就義從容泣上旻不那已成千古恨
可應深戀百年身河南鄧禹非因薦晉國郇模豈待輪
漫道明珠已寥闊度關遲爾棄縑人

次荅家弟赤兄二首

濟時自昔仗英雄非曰能之願下風但遣行藏殊小草
敢論詞賦擬長虹龍飛建號嘉祥合鴈序臨歧感奮同
漫向九關憂虎豹金陵王氣正菁葱

又

恒幹瞿然亦自雄孤舟橫野更飄風難將幽憤填滄海
剩有悲歌貫白虹列鎮王師元不戰萬邦侯玉幾來同

傳聞征戍防淮北方叔于今已佩葱

次荅黎洞石先生

巨浸無隄縱所如餘波疑欲及吾廬感時淚盡頻看劔
報國身微但著書天下尚仍平世習幾時重起故宮墟
丹成一縷同精衛繇繇葉懸知自可噓

次荅羅文昭

聞報旬來獨臥干魂搖天闕夢猶寒公車未必如方朔
木榻還應愧幼安誰爲君王申九伐況聞功業起三韓
艱危宏濟須公等肯遣蕭條老鷓冠

舟發珠江承諾子攜酒餞送用前韻賦別

揚舲撾鼓發江干變徵聲高七月寒夜竹可能知大漢

陳巖野先生詩集

卷三

七言律

七

日邊何處是長安杯因惜別兼賢聖策爲憂時雜管韓
燕石自慚仍躍冶歸來休笑舊儒冠

清遠江上飲故之旅舍

峽江西下水漫漫山郭當年醉裏看朋好幾回懸夢寐
扁舟何意此盤桓歲華別去催顏老時事憂來問路難

能似客秋涼月夜餅餠初熟戲新歡

余置妾攝室始踰
年矣值其生日未

能忘情
漫及之

中宿峽

舊遊曾憶逐殘春急雨驚雷夜卜鄰古刹尚能來遠道

劫灰何事付鸞輪千齡興廢疑先兆半嶺誅鋤憶達人

峽中古寺志稱飛來者也近燬于火而國難告因憶嗣
今以往有毀產修寺如山中人朱叔子者庶鼎新可期

蓋不獨一寺爲然 此日巨靈應有意片帆如駛度江津

七月念五日黃塘道中

雙江如注石嶙峋日晚維舟倍愴神芹曝未知能報國

樹風其奈已違親是日先諱北來度嶺鄉關淺南下思家客

夢頻況是遺臣泣弓劍天涯何事不沾巾大行哀詔久未度嶺粵中

奉撫按檄以是日成服

次荅羅若思

猶及生初識太平盛時風物歎斯征但聞帝子啼魂怨

不見軍中□膽驚萬國可能忘祖德九元終自祐皇明

披吟却簡迎降傳時李伯躋刺史歸自燕臺以國變錄見示愁極翻令欲絕

纓

陳巖野先生叢書 卷三 七言律

荅黎恭甫偉長

天

城南杯酒共依依奮袂晨征願已違弱骨自緣憂國瘦

旅魂時逐故園飛未更世路狂應恠縱有昌言力較微

慚愧故人詩盡好病中吟望一沾衣

度庾關

渴驥奔猊吼未降天開懸磴道炎邦漢朝勲業畱臺嶺

唐代聲明自曲江歸路若爲香一片上供何但翠千雙

經行北望中原淺莫更關前有吠厖

惶恐灘

萬安城外聽江聲急溜飛湍望未平估客夢迴驚九折

寒猿啼罷怯三更北來已盡諸灘險南去初催入峽程

最是信公畱句後至今青史獨知名

經吉安郡城有感

萬井千家繞郭門軒軒新築間頽垣可因戎馬驚鵝鶴
其奈簪纓化鶴猿行露未晞聊假息清江難浣是師言
尚隣信國風流在燕市遙招栢府魂

都憲李忠節公
邦華吉水人

豐城縣

驚沙如舞樹如呼貪看名城不憚劬沃野並堤千石稼
豫章諸縣唯
豐城有堤
女牆臨水萬家壩當年紫氣干天象此日
星躔傍帝衢神劍未應稀闊久只今猶有茂先無

新昌馮中星侍御吾師景僕先生子也聞其遇

難投詩瑞河哭之

陳巖野壽集

卷三

七言律

无

主憂臣辱是天彝仗節讐庭也未遲臺栢幾畱寒歲色
青驄終殉故宮移啼魂不散應銜恤碧血堪藏欲倩誰
猶憶鯉庭杯酒會幽明無路寄相思

宿豫章有感

湛湛江流赴蠡湖西山朝爽接城隅文章似壽滕王閣
風節誰存孺子廬秋稼未登漕使急歲徵如昨庶宗呼
援師去後琴材在乞與中郎辨得無

贈建昌陳經甫

相逢何必舊知名海內朋交亦弟兄最喜盍簪同意氣
況於華胄又宗盟蘧廬劇語皆憂國梓里褒衣解治兵
經甫及同志六子奉江院檄練鄉兵
二千人流寇客兵無敢騷其境上
天下未平才俊少

匡廬寧許老長城

登吳城望湖亭

望湖亭上望鄱湖，想像開天舊戰圖。
列較趕桓共廟略，百靈先後奏徵符。
黃龍狎浪俄深淺，御舟膠淺旋脫蒼兕乘風。
半有無，我師得風遺烈只今豐鎬在。
覲揚應復仗神謨。

九月十五夜蘆潭限韻

匡廬秋色落千巖，湖蕩青青草半芟。
晚翠和烟羣鳥接，空潭浮月薄雲銜。
如何圓魄看三度，猶自江村滯片帆。
欲寄尺書隨鴈足，鄉心撩亂倩誰緘。

遺懷

驅車踰嶺信間關，風阻扁舟盡日閒。
已覺客愁盈蠡澤，蘆野先生詩集愧無佳句酌廬山。
夢懸故國家千里，坐瘦東隅月一灣。
乞得南薰殿秋色，章縫應許覲龍顏。

登迴峰寺

北風畱客太依依，客伴相攜訪翠微。
竹影見榮空復色，相傳廬山有竹影寺時或望見卽之輒隱東林傳法是耶非。
澄湖近牖茆堂靜，曲徑藏秋綠樹肥。
遙望秦川正烽火，徘徊登陟欲忘歸。

感事

瀕湖寂歷辨烟村，十室看來五室存。
豈有寇攘曾飲馬，却疑林木爲亡猿。
年華荏苒餘焦土，生計蕭條半閉門。
聞道將軍今仗鉞，可能時雨慰中原。

度湖日

日日風威未肯降，多情廬阜戀船牕。
乍移秋月爲冬月，恰自西江下楚江。
小郭半規山矗矗，迅流千里水淙淙。
却憐方國朝宗急，逆浪揚帆盡冉矐。

訪同里龍宗尼有周生者呼其愛姬行酒有雷
髡之志姬通詞賦工翰墨坐中書箠見詒不知
僕之爲僮父也詩以謝之

家鄉遙在越城南，酒國相攜恣所探。
遊冶可能同俠少，綵毫時復倚清酣。
十離洪度應何遠，一石淳于愧未堪。
漫向粧臺畱姓字，鏡中雙鬢已毵毵。

夜泊采石

時十月望日

陳巖先生詩集

卷三

七言律

三

采石磯頭夜泊船，感時懷古思迢然。
代迴大歷詩應少，天入南陲月自圓。
猶有妖氛橫隴蜀，更堪□□幽燕
騎鯨一去非關醉，千載還誰辨謫仙。

抵京恭賦

城闕遙遙壯九重，江流宛宛護雙峰。
粉榆肇造聲靈遠，豐芑畱詒雨露濃。
萬國車書懷拱極，千官環珮盛從龍。
戎衣滿眼君休歎，猶是先皇櫛沐容。

都門晤梁非馨別十七年矣今昔之感情見乎

詩二首

繡錯河山忽半分，却從相見惜離羣。
旅旅葵底貢知何日，青犢縱橫尙報聞。
列剡只今推國士，先鞭應許勒殊勳。

故人亦有新亭淚弱羽無因致五雲

又

記得當年別路遙音塵寂寂度先朝頗疑望氣依南國
猶有啼痕泣舊遼侯霸素癡仍是昔景差能賦爲誰招
越臺春好薜蘿長駟馬何時重過橋

却寄

旅況飄零亦復佳鳩茲江上試芒鞋故園俠少黃金勒
南國才人白玉釵蘭雪佐談如在目烟雲詒贈尙盈懷
莫憐貧賤韓夫子裘敝長安未有涯

訪亦非禪師

卓錫何年自石頭禪心孤迥禁城幽祗園舊接陶彭澤

陳巖野先生詩集

卷三

七言律

三

芋火曾盟李鄴侯王氣只今迴紫極法輪應借柱閭浮
平乘一涕塵根在此理吾師見許不

贈家都閩銘新演實昆弟

蔣陵南望越山長旅舍相依愛二方澤霧幾年成豹采
風颺今日待鷹揚塵途誰辨安邦手霍食頻迴濟世腸
塊壘未平聊縱酒如卿端許預吾狂

疏草成

二首

七尺昂藏愧此軀褐衣徒步一迂儒未能健翮隨鴻鵠
誰與修弧□□憂國獨餘填海恨著書何異徒山愚
盈廷此日多長策爲問芻蕘定有無

又

嚴寒風色晝蕭蕭極目關河涕淚遙隴首自啼秦吉了
軍中寧乏霍嫖姚
臣聚朔盧龍暗鮫室徂秋赤魃驕
縱使微忱動天聽空言何補聖明朝

詠雪 四首

南國冬深朔氣嚴蔽空搖颺徧千崦花神春近先飄絮
月姊寒侵不捲簾偶綴梅梢添片片故依鶴氅鬪纖纖
柳營已報貂裘賜高臥何人問短簷

又

旅榻宵來半似冰
起看寒色太峻嶒
平鋪屋瓦渾無縫
斜點槎枒欲作稜
遠使可煩氊並鬻
詞流誰爲茗相凭
倚欄莫怪頻延佇
南士于今得未曾

陳巖野先生詩集

卷三

七言律

又

倬漢經時軫睿謨
新隨環珮列嵩呼
江流不界同雲色
池畔如看夜戰圖
上客相逢皆越縞
憂人持贈勝鮫珠
憑誰爲展秦關道
灞岸行險跨蹇驢

又

曉霽千門擁筆勞
茸茸積素自江臯
拚隨湛露迎陽德
賸有寒泉佐土膏
檜栢可曾移晚翠
來牟應報蒨春濤
因憐白戰真勍敵
今古誰誇郢調高

至日小集

輕緹初報一陽來
晴雪繽紛炤舉杯
玉殿威儀新節序
金陵雲物舊觀臺
春迎斗柄行東指
天轉炎曦漸北迴

獻賦未能慚浪跡鄉心還逐繡紋催

贈楊杲生

矯矯南園代有雄五先生觴詠南園為粵中詩祖將軍高躅儼遺風為

籌屯政因成帙偶託閨詞亦復工杲生視屯海上有攬溪草別賦妾薄命諸

篇為墨壘幾人稱勁敵書城如爾是元戎好憑詩律當

師律勒取登壇第一功

拜疏 三首

短褐蕭然旅病身也裁蕪牘獻楓宸敢期賈傅能前席

差與疆華步後塵我太祖以乙未定金陵卽漢高帝元年今上以乙酉改元卽漢光武元年

唯小疏拈出與疆華奉赤伏符或頗相似席帽未離從目笑城門不閉任時

嗔園桃一賦心如醉河北錄來亦帝臣

陳巖先生詩集

卷三

七言律

五

又

曉漏初停雪滿林江臯重趺帝城深交衢掃屑餘齷

簷溜疑漸列漢簪寒士獨多寒沍色遠臣差有遠猶心

銀臺賴已通微悃徙倚蘧廬又越吟

又

削奏纍纍字曰書中官移檣入公車能添九鼎江瑤柱

猶愧三言海大魚時譽漫誇通國體壯遊因得覲宸居

天戈蚤遣平盧隗澤畔羊裘恣所如

次荅謝伯子 二首

誰向羊腸鑿覆車盈盈京國盛簪裾龍髯尙掩橋山涕

雁足新驚塞外書甲惡可堪供偃仰杼空何以策畱餘

叩關昨日慚疎拙倉兄填膺半未扃

又

草莽何期奉御綸歸裝猶映五雲新卽教巖樹能招隱
長向天章頌作人晏歲別離驚遠夢他鄉行色共江春
有懷報國君先達案牘爲勞莫厭塵

重別朱少府兼壽其母夫人

傳聞歸路尙盤桓南國人將傲吏看不爲老親寧作尉
更緣瞻母早休官潘輿擬借甘棠祝萊綵新裁薜荔寒
此日交游情倍切苦吟重憶別離難

送陳集五還閩因憶謝衷伯

潢池消息近何如千里關山驛路初聞有司戎移幕府

陳巖野先生集

卷三

七言律

三

不妨儒服在郊除向來謝眺驚烽火今日元方急簡書
遊緒未堪頻怨別因君傳語訊離居

衷伯汀人以寇驚先還

戲寄

已分生涯付酒徒有懷今昔愧潛夫麥秋乍薦餘蔬甲
霜節初迎亦筭廚法乘敢論窺寶象清愁聊以荅啼烏
仙人試下雲中蓋看取禪心定也無

黃荊山父執見顧今昔之感情見乎詩

衡門卜築傍江潭幾度停雲思不堪一別坐銷年苒苒
相逢因歎髮穆穆誰迴風樹終天夢曾聽炊簞宿雨談
古道未應輪劇孟可當詞賦滯周南

九月六日歸龍山同黃秉昭夜泊江上

渺渺鄉城一水懸扁舟相約泛晴川移家十載翻疑客
旅泊三更未解眠名以龍山傳勝事會當重九較居前
明朝共試登高屐寄語黃花着意妍

題海珠寺次梁文康公韻

江流不轉蓋臣心先代遺踪閱古今地借招提畱間氣
人瞻山斗愜登臨明珠炤處天南北寒玉香時雪淺深
自是星精垂粵海謾將名勝擬東林

秋風 四首

劇飲經時暑未消疎林深夜送刁調來從塞上疑羌管
聽入錢塘誤海潮千里葦鱸吳客夢百畦蘭蕙楚魂招
羣芳莫漫悲搖落要遣人間識後凋

陳巖野先生集

卷三

七言律

美

又

早稻纔收晚稻黃使船如馬信帆檣時因迴合占師律
爲辨雄雌識大王何處征途歌葛屨有人狎坐理霓裳
相思莫遣羅衣薄河漢西流夜未央

又

似較封姨又一家年年相約待乘槎巧將丹艷施楓葉
賸有黃金布菊花霑霽夜凝仙掌露熹微朝綉赤城霞
同游最憶龍山勝粧點新辭與孟嘉

又

閩闔天開渙汗多瓊樓高處撓霜娥聲傳迴野鞦韆鷺
凍合層雲候鴈過龍火戒寒催築圃角弓初勁解防河

馬肥好度陰山磧銀鬣分飄奏凱歌彼馬肥矣此馬瘦不肥乎馬好逆風其勢宜何人何也

詠鐵馬兒奉和雲淙先生用韻

紫塞秋清朔氣過飛騰中夜意如何羞隨立仗尸芻秣
欲佐懸刁誓枕戈馳道自依雙闕近班聲遙聽八鸞和
南薰一奏塵靜鈴閣雍容曳玉珂

次荅李中郎兼懷鄧玉叔

江村閨寂掩柴扉相約過從興屢違何意惠風詒珮玖
每於香雪想容輝君從圖史開南面客有間關賦匪饑
記取樓頭杯酒夜遶簷春雨尙依稀

和徐巢友詠木綿花三首

隴野先生詩集

卷三

七言律

七

百仞扶疎欲蔽牛繁英簇簇炤炎州越裳譯去珊瑚在
朝漢臺荒寶炬畱曉日趨裝紅叱撥春風酣宴錦纏頭
仙人近識南中好不住瓊樓住絳樓

又

宿葉飄蕭謝故林朱殷相亞粵江潯穰侵漢苑春無價
香散隋宮燼未沉火齊豈應誇合浦丹砂何意徧邕岑
晴烟乍報倉庚轉共道洪爐解鑄金

又

漫以容華擬舜英赭顏遙望倍崢嶸石樓天近丹霞繞
珠海雲開若木明去日雪霜畱幹在他時衣被報功成
君王許借宜春苑萬戶千門待火城

壬午元旦

律轉春迴候欲暄
自裁椒頌對芳尊
百年天地今強仕
一徑軒車尙席門
誰翦鯨鯢投北裔
頗聞鴻雁半中原
爲園敢謂東山似
雲物登臺且共論

丙戌冬日山中感事

八首

納納乾坤一彈丸
阿誰分作兩儀觀
纔舒柳眼春先老
未放梅花歲已寒
文武何人周吉甫
功名能幾魏高歡
荒村寂歷山僧起
靜倚孤牕對雨巒

又

劫火騰騰半作灰
可憐新傍越王臺
飛塵鐵騎窺關近
鬪穴金戈動地來
京國衣冠雙捧日
臘殘風雨再鳴雷

陳震生詩集

卷三

七言律

美

欲憑錫杖穿林去
多恐山雲掃未開

又

雲谷峰頭發曉寒
灑灑青露不曾乾
箕山節苦堯何損
湘浦人畱楚未殘
河畔褒衣新命操
仗前銅馬舊登壇
呼兒話別無餘語
爲囑浮生作好難

又

老去生涯只愛閒
爲誰重趺入空山
敢從道上槌車壁
差喜門葺溷抱關
寒雨倍催行脚淚
烽烟長翳望鄉顏
直拚破戒謀深醉
沽酒何當月下還

又

一幅離騷酒一罍
三竿紅日醉初醒
委禽誰與分南哲

負寵饒他自尹邢措大行藏終是拙干戈消息未堪聽
宗門較許容強項不讀心經讀易經

又

靜裏參求頗自知掃除癡妄是男兒
鑪鞴萬象終誰業聚散羣生會有時
尼父竟從洙泗老孔明空負帝王師
蒲團三尺無長物不向江湖學子皮

又

踏遍千峰寄一簑覺來大地已無多
直從狡獪滄桑變畢竟空華電火過
長樂宮中虛玉輦雒陽陌上憶銅駝
舉棋不定君看否山色相招到爛柯

又

陳巖野老詩

卷三

七言律

三

乞得藏經一兩函片幡無影自冥探
塵根未遣空愁在業戒其如綺語酣
誰悟冤親皆眷屬剛緣嗔愛失瞿曇
千年大事堪糊突好向鴉山再一參

延祥寺題壁二首

寶地何人舊布金繞簷祗樹已成林
千峰迴合供禪悟一水潺湲答梵音
結侶可嫌元亮醉會心時有惠休吟
新州引望南宗近欲向風旌証佛心

又

生涯老矣爲誰容歲晏離居事事慵
竹火佐廚分佛供山雲畱榻怯晨鐘
侵尋旅况年光似咫尺鄉關霧靄封
野性已拚林臥隱題詩休倩壁紗籠

丁亥元旦寓麟涌

紫極南旋玉歷開春光恰與歲俱回已看宿雨陰霾盡
喜見新晴淑氣催萬國謳吟懷祖德中興勳業仗羣材
小臣浪跡江湖遠翹首彤雲祝壽杯

厓門弔古

四首

萬頃烟波接杳冥雙峰如闕控重溟草藏宋血還餘碧
浪洗□塵尙帶□魚腹有靈迎玉璽龍髯無地樹冬青
中原極目今戎馬憑弔先朝一涕零

又

百萬貔貅一壑中後人空自說三忠每疑木石銜精衛
時向烟波現白虹燕市可堪仍履地海靈誰復斷孤筇

陳巖野齋詩集

卷三

七言律

四

慈元舊殿今蕪沒愁殺江門老釣翁

又

日日扁舟訪海濱鶯花寥落度深春馭戎異代俱無策
漢帝繇來自有神荒樹幾行催蜀魄怒濤千尺泣波臣
數乘此險慚明發只恐歛丹後古人

又

往事蒼茫不可尋東風吹雨晝陰陰精魂擬共湘波怨
遺恨長畱越客吟賴是聖朝回漢甸只今邦計仗南琛
春陵佳氣中興日借取當年義士心

獄中步文丞相韻

生涯少壯但傳經通籍纔週兩歲星鄉國愁看成隕籜

室家寧計問飄萍萬言舊疏還誰乙五木嚴刑拚儻丁
泉路若逢文信國不知雙眼可誰青

獄中自述

去歲承恩桂海濬何期國步倍多迤室中自起金戈釁
天外俄飛鐵騎塵入夢翠華頻想像招攜烏合每逡巡
經年辛苦慚何補應識皇明有死臣

獄中傳聞張芷園遇害歌以弔之

三百年來世澤孤寥寥嶺外數狂夫郵筒每恨東西隔
鼎足那堪次第徂人世誰與不死者他時公等亦生乎
羅浮山下多琪樹休逐啼鷓帶血呼

陳巖野先生全集

同里後學温汝能謙山

校輯

卷之四

五言絕 七言絕 傳 行狀

臨命詩附 傳附

樟樹阻風 四首

曉日乍曛曠驚波來自北天氣幸未寒風威爾胡得

又

涼吹起青蘋怒濤浮白馬舟人慣耐愁倚棹長堤下

又

片片帆南指潒潒水北流隔船人去蚤前路也維舟

近古

勿長年喚不應客心與江水日夜向金陵

陳巖野先生全集

卷四

五言絕

一

江上

帆影宵仍遠山容午始開水禽無意緒飛去又飛來

旅懷次林子同韻 三首

客愁餘半榻鄉夢遶千峰但見竿頭日不聞城上鐘

又

高齋夜說鬼霍然消旅病不奈談深時滿目看飛鏡

又

君今憶故園歸期亦全未褚公髯如戟閒殺丈夫氣 子同

懷家甚 故諱之

古意 四首

古戍蕭關遠空堦草露深開簾時一望何處搗衣心

又

西涼知遠近夢裏時嘗到度却繡窓前已是西涼道

又

乾鵲本多聲蔓茅亦世情見郎親筆信難道不分明

又

故里芴蘿山夫家吳淞水合歡未煖席牽心那如此

西南七夕

二首

爲問銀河事有無宵深長自望黃姑千家古驛離愁少
爭向簷前戲網蛛

又

同舟端不負前期沙際停橈坐語遲想見故園瓜果熟

唐賢先生詩集

卷四

五言絕

七言絕

二

夜涼如水度秋嬉

韶州旅舍書壁

二首

湛湛芙蓉一水深美人遲暮隔雲岑誰能千載畱干羽

極目寒江送遠砧

志稱有虞南巡奏樂石上故州以韶名

又

如何旅夢太模糊半逐鄉關半入都盡日江船向南去
相思還寄寸緘無

中秋儲潭江上

三首

章貢千峰入客船儲潭秋好夜無烟來時剛擬金陵月
未到金陵月已圓

又

病後絺衣怯露寒
娟娟山月掩篷看
故園朋舊多相憶
何處更深獨倚欄

又

漫將杯酒佐餘酣
旅次新愁未慣諳
極目遙空秋一色
月明偏自照江南

旅舍讀壁間詩和者四人皆以重陽爲感何此
時獨多客游耶余過此於重陽亦近矣漫書二
絕和之後之大夫君子亦將有感於斯言

二首

山村寥寂近重陽
挑逗詩腸與酒腸
采菊盈簷旋棄擲
不因踪跡在他鄉

又

陳巖野叟詩集

卷四

七言絕

三

繫馬山椒餞夕陽
孤懷癡絕似柔腸
宸居近報開南極
客子寧當怨異鄉

自奉新抵蘆潭舟中口號

十首

豫章城下別同游
却度西山上小舟
一諾肯令慚季布
片言聊復借曹邱

又

百里而遙一日過
匆匆爲別飲無何
京華已愧嚴徐晚
城內從教卓鄭多

又

山村水郭夜頻諳
信宿官衙夢頗酣
孤棹更從深樹出
暮雲斜月落江潭

又
故園年少愛風箏，入夜輕弦也自鳴。
歌枕忽驚時序似，聽來元是水車聲。

又
編竹浮菴橫絕河，舟人鬪巧闕中過。
輕裝自此猶嫌淺，經歲漕糧定若何。

又
有約吳城度蠡瀾，打頭無那北風寒。
竭來數日無餘事，贏得西山四面看。

又
西去烽烟漸報平，袁州河下凱旋兵。
山民縮朒寧煩問，陳巖野筆卷四
昨日新吳亦閉城。
七言絕
四

又
涂家渡口建河漪，十里懷人薄暮時。
聞道山家團結好，隔年兵寇避旌旗。
涂家渡西去十里許
里陳經甫所居

又
翠浮紅斂暮雲賒，山靄蒼蒼見月華。
前浦不知投宿處，坐移深樹認人家。

又
萬峰矗矗水潺潺，淺淺沙堤曲曲灣。
獨泛輕舟下溪去，西山東望是東山。

銷愁應仗酒爲兵客夢朝朝帶宿醒彭蠡蚤寒風色緊
賓鴻吹送兩三聲

又

長夏離家事遠遊蘆潭秋杪尙維舟不知昨夜愁多少
五老朝來盡白頭

贈端州符伯清 二首

淮海新承吐握餘爲憐聲氣枉高車驢兒背上頻驚詫
今日從君讀異書 伯清以書
膽錄見詒

又

傾蓋都門語便深孤踪猶自戀長林東山不爲蒼生起

誰與當年挽陸沈

陳巖野集

卷四

七言絕

五

憶家 二首

有客當歌賦式微關山飛雪滿戎衣嚴寒最是侵文弱
子夜憑誰問薄幃

又

一騎南來火未斜冬深何意向京華書生自笑心腸窄
纔獻芻言便憶家

贈新婚者

陽回玉律起春風遊子經年笑轉蓬一曲鳳簫聽未厭
想君猶在綵樓中

聞笛有歎

遊賞經年事不同客心猶自怨春風月明此夜聞絲竹

何處東山無謝公

春日西征雜咏 三首

薄暮東鄰酒一卮
孤村魂夢醉偏疑
蛩吟歷亂人聲細
疎雨危樓夜半時

又

名園春事動招尋
一騎蕭蕭細雨侵
最愛草亭西畔路
玉蘭花發石潭深

又

碧水遙林與未孤
月明曾記舊遊無
馬蹄更欲憑芳草
一路春山怨鷓鴣

冬閨

懷慶野先詩集

卷四

七言絕

六

頗記南樓待月情
如何今夜較分明
嫦娥不是秋光減
烏鵲橋邊意未平

贈人

芳草原頭谷鳥鳴
晚雲如意護層城
一尊濁酒三更約
消盡東臺夜雨聲

送黃符鼎奉表入京 四首

萬國懽承錫類新
詔從丹嶠禮元臣
對揚漫道長安遠
咫尺威顏在紫宸

又

胡考先臣拜寵嘉
八年今日重宣麻
南中父老爭扶杖
聖代承恩第一家

又
綠野身名魏闕心元成銜謝爲恩深漢廷可但扶陽寵
殷室還期傳說霖

又
花簇郵亭湛露勻到時猶及上林春彤廷若問蒼生意
重嗣明諧撫五辰

寄吳朝泗崔象垣 二首

茵茵香浮荔火齊故人遙在二禺西春來虛有相過喜
時倚蓬門聽馬蹄

又

猶憶寒江寄旅眠消愁曾仗酒如泉不知峽上程多少
懷鍾生 二首

懷鍾生 二首

卷四

七言絕

七

一水盈盈十二年

懷鍾生 二首

會憶秋風戰氣殘寶刀空染鷓鴣寒虎頭未老雄心在
誰向營門夜夜看

又

蝟皮拖盡塞垣煙每對柔情也自憐多病賴君扶策在
不妨重理勒燕然

七夕 二首

耿耿雙星對次寥盈盈一水望迢迢鵲橋盡道仙郎度
會否仙郎度鵲橋

又

涼月侵堦客思孤戲將瓜果祝庭隅年年乞盡天孫巧
剩與人間拙漢無

辛巳元日自題小像因懷鄧玉叔 四首

縹緲重溟接太虛漢臺劉苑盡皇輿憑高欲騁天南目
簡點晴嵐護草廬

又

鮮原嘉卉正紛披雙鬢應憑笑狷皮最是丹青描不盡
芳心無那寄江蘼

又

風流安石戀攀躋比擬年華漸欲齊却較東山輸一着
許來聲伎不曾攜

陳巖野生詩集

卷四

七言絕

八

又

故人相約訪蓬茅歲旦披圖一解嘲同樂也須吾黨在
冶城何似鳳城坳

孟春廿七夜集寫葉山房賞燈奉和雲淙先生

大韻 四首

九十春光未有涯錦堂畱賞興逾佳拚教曉漏催銀燭
纖月猶能炤六街

又

檻外新紅取次增蘭缸點綴復相仍酒酣試倚前簷望
道是花枝是綵燈

又

冒雪尋芳醉幾回
買舟重見碧桃開
名園未厭看燈久
待熟池頭樹樹梅

又

元雲初結暗籠紗
兩腳風梢翦斜漫
向中原歌倬漢
天南今有雜如花

贈何時又

風送棠梨五輛輕
鶯花如笑度江城
投來片刺休容易
處士當年字正平

三水歸舟有懷

七首

浮雲漠漠冒烟絲
分手蒼茫自一時
最是萍踪渾不定
相思人在水之湄

陳巖野先生詩集

卷四

七言絕

九

又

入望壺冰炤眼寒
滇江南下路漫漫
山城浪有逢迎喜
都向遊人鏡裏看

又

相將杯酒餞春陽
弦月纖絺愛晚涼
何事倦遊人已遠
空勞車騎擬臨邛

又

柔緒縈紆半似癡
酒壇花塢坐遲遲
西風無賴催裝急
一度扁舟也自疑

又

天南何處鄭公鄉
絳帳當年馬季長
孤劍蒯緱雙鬢短

只應慚見舊宮牆

又

舊約經年意未平
遡洄猶自繫離情
更誰天外傳消息
悶倚吳鈞媿請纓

又

雲樹無端恁見欺
夾溪梅雨片帆移
何因一洗風烟淨
重理蘭舟訪所思

題畫二首

一瓣芳心解卜鄰
謝家庭院米家皴
清時已入君王操
不向湘臯伴楚臣

又

懷巖野老詩集

卷四

七言絕

十一

垂柳千條縮晚霞
溪深流出半桃花
不嫌漁艇過從慣
天下車書正一家

宮詞二首

金屋宵深記漏痕
和鑾初度獸爐溫
不須細問宮中語
纔伴羊車是主恩

又

太乙勾陳黯未開
御河橋上六龍迴
君王異日如相憶
莫更昭陽被酒來

宿高明城南野人家二首

撲被西來信馬蹄
洞雲深處寄禪棲
長林漫道知音少
猶有高人策杖藜

又

憂國誰當着一鞭山翁猶自淚泫然龍鍾媿我非裴度
何日同君買醉眠

東還書白業菴壁 二首

三玉城隅一水迴招提遙在女牆隈行雲野鶴渾無定
莫厭陶潛醉裏來

又

湛湛千峰紫邏深誰知澤畔有行吟投閒合是林居士
居士原來不姓林

同雲淙相國夜泊 二首

西望霓旌擁翠華更聞鐵騎下星沙黃龍千艘人猶在

陳巖野老詩集

卷四

七言絕

十一

宵遣孤城隱暮笳

又

結客憑將報主恩相看猶喜鬢毛存□□□□家何在

風雨孤舟度海門

時公二子一妾爲□所得以書招公
公判書後日妾辱之子殺之身死朝

廷義不私
妻子也

畱石堂詩爲嚴秋野郡守 四首

一代循良共此堂三峰新峙石蒼蒼欲知砥柱東南意
海不揚波致越裳

又

楚臺新報半沉浮五馬騶驪粵海頭此日叩關人盡望
使君能與石俱畱

又

八桂詒來粵所稀卽教攜去未云非如何皂蓋三年遠
不載青山一石歸

又

九曜峻嶒傍粵臺仙羊五色未蒿萊南中自古多奇績
鼎足還應待後來

擬古八章呈王園長先生

明明聖朝世載其德如何不造邁此傾側彼氛伊何云
胡爲慝帝陟于天我聲其赫

又

明明聖朝同符炎漢爰卽舊邦以宏宵旰維此元祀建

陳露先生集

卷四

七言絕

四言

七

武則同明明天子載纘武功

又

天命純佑詒我元臣興于海國迪茲羣倫于獻于原周
咨旣均爰宅鎬豐亦咸厥勳

又

睇彼燕山遺弓渺止奮章就道憂心悄止帝曰俞哉
乃驕矣有指疆土不崇朝矣

又

鍾山龍從高皇之宮四牡業業護此鬱葱天子曰都綏
予純嘏匪夢匪卜中興是輔

又

其輔維何母爲波頹君子之光以須羣材羣策具舉王
猶靡悔旣平隴蜀□□其喙

又

南有狂生其思維杞聞變倣裝宵旦靡止如彼嫠婦不
恤其緯蕪言匪嘉鑒于天子

又

狂生之狂載謠且歌聲與淚下其與幾何宜惟夫子弗
譏弗訶願附青雲庶幾不磨

東薛劍公

二首

朗如玉映軒若霞舉昔見其人今聞其語誰同衛玠亦
有杜虎濯濯冰魂城南無暑

陳巖野雀彙

卷四

四言

附臨命詩

七

又

騃駭者駒于城之隅梅花倚笛如披其圖薄言繫之于
城之阿羅敷有詞使君若何

附臨命詩

清遠城陷題朱氏池亭

三首

無拳無勇無餉無兵聯絡山海矢佐中興天命不佑禍
患是嬰千秋而下鑒此孤貞

又

平生報國懷深望斷西方好音已共萇宏化碧還同屈
子俱沉

又

戀闕孤懷盡懸絲一命微負傷如未覺無淚不須揮魚
吮艱貞血水爲罽毼衣祗應魂氣在長遶玉階飛

臨命歌

天造兮多艱臣也江之濟書生謾談兵時哉不我與我
后兮何之我躬兮獨苦厓山多忠魂後先炤千古

陳巖野先生詩集

卷四

附臨命詩

四

贈兵部尙書陳巖野先生傳

門人薛始高撰

陳巖野先生名邦彥字會份廣之順德人初居龍山鄉父韶音徙居邑北郊錦巖山下故別號巖野爲人美髭髯顧盼燁然能視日不眩自少慷慨喜大節年十八餽於學宮每試輒冠諸生督學魏公浣初旌其孝文行藉甚一時治易詩教授嘗數百人後先出其門者數千人論制義決科甲無先達後進必翕然傾心先生售無疑顧久之未售先生年四十餘矣是時陳文忠公子壯以秩宗抗疏南歸氣節文章望隆海內見先生文而異之延致於家使諸子受業焉先生亦重其人爲執弟子禮

陳巖野先生集

卷四

傳

五

其遊如父子然相得甚懽也甲申之變先生憂憤坐臥不寧每歎曰不報國非夫也乃輟講業謝罷生徒閉戶草中興政要書數萬言走南都上之報聞而歸然都中人人知陳子上書矣以宏光登極詔試諸生領恩薦復舉乙酉賢書思文□在閩求粵士於蘇戶部觀生以先生對并進所上書草特詔授監紀推官晉職方主事命監粵兵援虔先生拜命而趨雖始進毅然以國事爲己任時時策兵餉在外忘其家焉八閩旣陷□監國於梧州觀生以閩部擁殘兵入廣遣先生奉箋勸進旣行而中變羣小從臾立唐王改元紹武先生至梧州朝進箋而夕變聞舉朝且疑爲間夜召入對先生始知蘇之賣

已遽出不意而進對忠誠上悅拜兵科給事中賚救還
諭先生止郊不入以書抵蘇責以大義蘇猶不悛先生
乃變姓名入高明山中俄而佟養甲李成棟襲廣州蘇
與唐王俱死□幸西粵端州失守先生間至南海之九
江鄉適陳文忠公奉母遯跡於此與先生相見大慟於
是始合謀起義丁亥正月成棟且西畧尋□後先生曰
事急矣使奸可乎時順德大盜余龍者在甘竹灘衆數
萬先生駕扁舟詣龍徧結其豪酋握手歡飲三日說之
以都會虛使攻城二月十日龍率舟師數百薄廣州養
甲殊不意閉門以城外委之而飛騎追及成棟於桂林
促還軍自救桂林繇是得完先生本謀也龍掠城外而

陳巖野先生集

卷四

傳

六

退先生使門人馬生應房率之以攻順德而成棟以歸
師至黃連撥之龍應房俱敗死先生泣曰馬生死予獨
生耶吾報國後馬生即卽日下江門撫納餘卒行收兵
至高明主同年貢生陳時家一時響應者甚衆高明御
史麥公而炫官生區公懷炅舉人譚公相國皆慨然破
家以從軍聲復振而侍郎張文烈公家玉起東莞叅政
黃公公輔起新會並殺□令以遙相應養甲大患之偵
先生家在龍山密使騎掩獲其妾及二子而以書招先
生先生怒判其書後曰妾辱之子殺之身爲忠臣義不
私妻子也初先生之金陵舟次邂逅楊指揮景燧與論
古今多合以忠義相許旣還逢人而稱之文忠公以先

生言國士視楊也至是景熿與楊叅將可觀約爲內應使花山僞降卒三千人守東門以銃臺爲獻於是先生與文忠公會師攻廣州文忠公攻其西南先生攻東北一鼓奪銃臺養甲懼乘城自守嚴邏奸細而內應謀洩二楊與三千人俱死城不可攻矣成棟方敗張侍郎於新安得報遽返晨夜兼行漏下十刻至城東曰禺珠遇先生伏兵火其舟因敗紛披而前走趨城也先生率軍乘風追之黎明迫文忠軍而西城上知成棟至未知勝負但擊鼓助威呼聲震天文忠軍本烏合未經戰來時文忠諭以城唾手可得倉卒不虞而城上揭二楊首以示於是衆懼而陣動望先生帆檣亦皆以爲敵兵後軍

拔船奪港先遁令不能禁止遂大潰先生孤軍不可畱退至三水胥江大小十餘戰氣益奮不衰先生率日一食夜坐假寐不就枕自起兵以來然矣口未嘗言勞苦處之若素故其下人人感動卽小衄無思叛者清遠白指揮嘗燦舉城迎先生先生赴之設柵斷江與成棟相拒值天北風霍總兵師連以火攻成棟成棟敗走師連盡舟以躡數里風反我舟火還走迫柵盡焚乃退而守城圍十日用地道積火器崩城十餘丈遂入焉行令事關公鍾喜死之先生率兵巷戰頸被三刃兵且盡走秘書學熹園亭中秘書先自經死先生題詩三首于壁衣冠赴池池水淺騎已入引而出先生笑曰我陳兵科

也檻致廣州不屈養甲問同事閣部何在先生厲聲曰
師也死國奚問哉入獄五日不食意氣如平常好事者
投以紙求書首自紀生平科日官爵拜授月日一紙餘
多書題壁三詩或獄中新詩詞義燦然得者傳寶焉以
永歷元年九月二十八日遇害臨命作歌西向受刃歌
詩具集中年四十五先生既歿義兵始衰張侍郎陳閣
部相繼死明年成棟以東粵□□□□□□詔贈先生
兵部尙書賜祠祭葬蔭子恭尹錦衣衛指揮僉事方議
謚會粵再陷上播遷而寢先生博極羣書尤究星歷陰
陽家言然與人言必依忠孝不屑屑言趨避其與張侍
郎書曰成不成天也敵不敵勢也姑置勿計方今車駕
蒙塵使得牽掣敵騎數月毋西則潯梧必有備是我收
功於西也其志如此醫歐陽生言公磔時監□某取視
其肝肝忽躍着面因驚墮馬歸病請醫自述如此竟死
噫先生之忠始終如一貫金石歷萬古其靈爽亦何往
不存哉子嘗從受周易毛詩自己卯迄乙酉皆及門也
於先生平生本末甚究心喪時子家居竊志之恭尹字
元孝方蒙難亡匿年尚少其後益長受職據所得爲狀
狀或不具予故具爲傳以歸之

陳露先生叢

卷四

傳

七

順德給事陳公傳

載四朝成仁錄

陳公邦彥字會份廣州順德人少以文行負重名開大館爲文學大師及門士歲數百人所居錦巖學者稱巖野先生爲人長身美姿髯高顴面微赤目光能與日敵瞪視日移時不眩性剛正沈塞果毅忼慨喜任事識見通敏穿穴古今每郡邑有大議諸薦紳會坐相視至終日不發一語或出語紛糾盤錯公以諸生遙於坐末申論可否觴解玦決片言輒了聽者莫不折服其在邑知縣所經畫必就諮斷奉之爲著龜數拒盜賑饑定兵變有功德於鄉人人皆賴之崇禎十七年五月聞國變三日卽走南京上中興政要書凡三十二策萬七千言或

陳巖野先生文集

卷四

傳

九

戲謂君未冠進賢彊欲知人家國事耶公曰先朝之事極矣極則思變莫或隄之將又甚焉余患夫力之弗逮與言之已晚也又可俟乎書旣上不報□□卽位大學士蘇觀生疏薦並進公所上書□驚歎曰奇才也召見未赴詔授監紀推官尋舉隆武元年鄉試二年陞兵部職方司主事奉命監狼粵兵萬人出梅關敵攻贛州觀生督師援贛駐南安數月兵單餉訕不敢進軍公數爲畫策不聽請偏師獨戰不許居鬱鬱不得志已而贛陷□□至上杭□營文武不戰而潰□失所在觀生聞變將旋廣州公請其指曰國未有主公曰國亂先丙國危先外今東喪三閩西絕湖湘北淪章貢國家分

王十五獨兩粵存耳埽境內以屬閣下及其危而棄之謂天下何曰然則奈何公曰國自有主非閣下所急敵今全力在閩勢且西侵閣下南歸毋駐而以重兵東走惠潮因漳泉未潰以控扼之猶可自立若必以擁立爲功謀議之間動淹時月則敵越韓江之險士將恆怯而不肯附難與守矣兩粵存亡繫於東向遲則亡速則存夫亦憂疆圉之不固何患無主北門之事請畱一軍以委邦彥不聽南安人泣涕遮道畱公共守亦不許遂以公還廣州九月永明王監國梧州平粵伯丁魁楚用事觀生與魁楚有小嫌不憚公引義力爭乃遣公奉箋勸進且請迴鑾廣州公瀕行數以惠潮爲言旣行□□□

陳巖野箋集

卷四

傳

三

四弟唐王至廣州士大夫不得志於時者從與觀生謂兄終弟及擁而立之改元紹武公未之知西至梧方上啟候令旨夜分中使十餘燈火連江呼陳主事船公驚起曰事變矣衣冠入對王御龍舟太妃垂簾魁楚侍王曰聞四王至廣州甚喜然孤旣監國矣輔臣蘇先生旣具啟入朝矣彼胡爲者公曰此或仍閩中之舊稱而小民傳訛乎魁楚曰已卽真矣王曰今非戰則和二者安出公曰我弱彼強以戰則非敵我直彼曲以和則非名敵急矣觀生若不悔禍亡無日矣悔禍則不得不求和於我是我爲主也焉用先之以示弱則和不可粵西之兵長於灘瀨而不長於江海且新募浮囂戰必不勝藉

倖而勝其力必疲敵以銳來我以疲往必難禦矣則戰不可且天家之亂中州之產盡區區兩粵中不以死仇讐□□而死於骨肉乎當今之計獨宜速返肇慶正大位以屬人心繕舟固險馳檄遠近摩厲以觀其變今南雄之守皆西山勁卒藉以取詔其勢必舉粵東十郡我制其七而使其三代吾受敵從而乘其敝猶或可也何必戰王曰善明日擢兵科給事中奉敕宣諭觀生時十一月九日也十八日王卽真肇慶詔以明年丁亥爲永歷元年廷臣以公建策倚重公有謂之者曰我宗臣也東西皆太祖之裔何敢重輕先生善處人骨肉之間有謂之者曰敵深矣旦夕不保何忍自尋干戈龍種自相

陳巖野先生集

卷四

傳

三

魚肉而使兩粵生靈並充刀俎可痛也消弭內釁勉之在子公東還未至廣州觀生奏以爲刑科都給事公謂昔晉人使先蔑士會逆公子雍旣乃拒之於河先蔑奔秦士會從之今邦彥從仕于西固春秋所不譏也乃止郊外不入使其副兵部職方司主事劉大壯奉敕而遺書指陳利害以曉觀生廣州君臣盡怒觀生顧恐懼欲和會總督林公佳鼎以舟師問罪廣州唐王使其總兵林察接戰察使撫丁徐鄭石馬四姓盜詐降掩襲我軍林公倉卒戰死全師覆沒觀生於是驕無和志高峽三水之間無日不戰勝負相當廷議水軍新敗無以爲守於是上幸桂林十二月□□□佟養甲□□李成棟果

自閩攻潮惠克之用潮惠印符日爲文書郵廣州報平安而輕騎襲廣州觀生不設備望日唐王方臨學百官畢集或報敵至觀生怒曰東方昨日有文書寧得敵兵妄言斬之三報斬三人而兵溢城中矣唐王被執觀生自經死元年正月上在柳州成棟盡銳西向破肇慶直趨桂林公密受團練之詔走甘竹灘說大盜余龍等激勸忠義鼓唱豪傑痛飲三日人人得其歡使乘廣州空虛驟出奇兵以襲之且以牽制敵騎毋西龍許之二月十日龍率舟數百入自虎門遇敵白艚黑艚百餘艘焚之殲其兵進薄廣州攻之四日養甲震栗飛騎走桂林追成棟軍城中豪猾夜起劫掠養甲不能禁乃揚言成

陳巖野先生文集

卷四

傳

三

棟還勦甘竹且盡龍懼引退然成棟聞報亦解而東桂林繇是得完三宮賴以無恐公之力也於是公起兵高明山中使生員馬應房以舟師先攻順德約大學士陳文忠公子壯於南海侍講張文烈公家玉於東莞叅政黃公公輔於新會互爲犄角復聯絡嶺西一帶陸兵則恩平王興陽春莫廷蘭新興梁位灼東安何仕璋等水兵則順德胡靖梁斌新會楊世熊李宗聖驍銳三十餘萬山海協同綦布已定又約思恩侯陳邦傳鼓行東下大作聲援上聞降敕諭嘉之四月公使余龍戰□於黃連龍敗焚舟二百應房分戰亦敗死之公身下江門收其餘燼出攻高明御史麥而炫主事區懷吳舉人譚相

國等皆毀家以從軍聲大振養甲患之使騎補公家獲其一妾二子而以書招公公判其書曰乘輿播蕩

正臣子肝腦塗地之秋妾可辱也子可殺也必欲強拔一毛自當死生以之養甲怒殺其二子七月公將攻廣州先使衛指揮楊可觀楊景熿爲內應而說花山盜二千人僞降得守東門於是與文忠會師九江約文忠從徑道攻廣州西南而公從海道攻東北且邀成棟歸路期以七日薄城城中人三鼓皆發約既定公引舟而東文忠忽以五日薄城一鼓奪西郭砲臺火器廳發焚一角樓敵大懼嚴捕細作而內應謀泄景熿可觀並被執死敵又犒花山三千人於院分伍而入入則斬之

陳巖野先生集

卷四

傳

三

當是時成棟方戰文烈於新安得報遽返公報文忠曰今夕成棟至必遭吾火懼其餘舟奔突請嚴陣待之青旗而朱旂者我師也報至文忠不卽傳令七日雞鳴成棟至禺珠火舟起公引軍旁擊焚其蒙衝鬪艦數十殺千餘人擒遊擊孟輝都司張一鴻守備楊聰等成棟脫走公乘風追之平明迫文忠軍養甲從城上擊鼓喧聲震天文忠軍不知望帆檣蔽空而上以爲盡敵也陣動文忠雖知之然倉卒傳令不及後軍拔船先走成棟因擊之遂潰公乃收兵攻城城上揭二楊首以示公望祭而哭之攻五日不拔軍孤不能獨畱率副總兵霍師連等退攻三水復之斬知縣陳億戰

□於胥江四日勝之戰□於新會二晝夜大勝之分師
再攻高明而炫等接應復之斬□知縣徐嘉植斬□馬
兵五百餘級分指揮白嘗燦等攻清遠復之斬□知縣
何甲敵攻清遠公往救設重柵江干以拒成棟不得戰
憤甚會北風大起師連以火舟出擊成棟敗走數里風
忽反成棟因火舟以攻我我舟迫柵不得入盡焚師連
死焉公嬰城固守被圍十日親以飛礮擊衝梯敵死者
積屍與羊馬牆等敵乃僞退而從古廟中爲地道達城
以柱砥之實之火藥火發城崩肉薄而上署縣事關鍾
喜死之公率死士巷戰自辰至午頸被三刃走待詔朱
學熙園學熙先縊死公題詩於壁曰戀闕孤心盡懸絲

陳巖野先生集

卷四

傳

五

一命微負傷如未覺無淚不須揮魚吮艱貞血水爲賻
襖衣祇應魂氣在長遶玉階飛題畢赴池水淺□引而
出公笑曰我陳兵科也至廣州不屈養甲欲降公使醫
視創膳人進饌公叱罵却之問何言自狀生平一紙及
題壁贈花巡簡二詩問陳閣部何在曰吾師也死國奚
問焉入獄五日不食賦詩自若好事者競投以紙信筆
而滿草書精絕詞義皆可觀臨命作歌有天造兮多艱
時哉不我與我后兮何之我躬兮獨苦之語西向受刃
顏色不變嗚呼磔也時年四十有五九月二十八日白
晝陰晦風埃四塞監者視其肝肝躍起擊監者面監者
驚而墮馬遂死公死義兵始衰敵得以全力直向文忠

文烈越十二日增城之戰而文烈死越一月高明之戰而文忠亦死公如不死二公亦應不死公之死有關於二公也天死公以死二公也公初起與文烈書曰成不成天也敵不敵勢也姑勿計今西省空虛王師風鶴若得牽敵騎數月毋西則潯梧必有備是我致力於東而收功於西也文烈然之以故文烈戰廣州之東而不西文忠戰廣州之西而不東公如不死則文烈能西而文忠能東□□□□存亡未可知也□□所畏者公與文忠文烈然皆以書生徒手奮呼艱難發難振□□之氣而伸君子之威使□精鋒挫盡首尾崩奔救死扶傷□□□□勲勞蓋莫有尙焉者成棟旣□□□□公

陳巖野文集

卷四

傳

五

長子恭尹□□請卹詔依陳子壯張家玉例賜廕議諡已而贈太僕寺卿廕一子入監讀書御史饒元璜疏再上詔加贈資政大夫兵部尙書廕恭尹世襲錦衣衛指揮僉事賜祭葬特祠方議諡以廣州再陷而寢公博極羣書尤究星歷陰陽家言然與人言必依忠孝不屑趨避所著書多散佚其南上諸詩憂時感事與萬言書相表裏淋漓惋惻可以興觀名南上草其畱丹錄則軍中所作詞旨哀痛尤足愴人他所著詩文名雪聲堂集

兵科給事中贈資政大夫兵部尙書先府君巖
野陳公行狀 門人何絳錄

公姓陳氏諱邦彥字會份廣州順德人先世自銅陵入
粵曰陳璽仕宋爲機宜文字從端宗南遷卒於廣州次
子大謨元樞密副使樞密之子徙家南海龍山世以貴
雄於鄉曰小圃陳氏景泰初析南海置順德縣故公爲
縣人祖文學公諱嘉言父處士公諱韶音以公故皆贈
兵部尙書祖妣康氏妣鄭氏皆贈夫人處士公操行方
嚴隱居言性命之學公幼穎敏處士公恒自教之未嘗
名他師十八受餼學宮每試冠諸生以文行負重名遷
居縣北錦巖從學者數千人稱巖野先生然而四十不

虞巖野集

卷四

行狀

美

售老矣甲申之變走南京上中興政要書三十二策報
聞而歸思文皇帝入闈得書草於戶部郎蘇公觀生讀
之曰奇才也有旨召見未赴旣而特詔授監紀推官公
之自南京還也以宏光登極詔舉恩貢復應乙酉鄉試
拜官數日而榜發雋第七人遂以推官冠服燕一時榮
之隆武二年遷兵部職方司主事監狼粵兵萬人出南
安時蘇公觀生以樞輔督諸軍援贛州公數以策干之
不聽及秋聞中陷蘇公旋師入粵公請其旨曰國未有
主公曰邦彥聞國亂先內國危先外今東喪八閩西絕
洞庭北淪章貢國家分土十五獨兩粵在耳掃境內以
屬閣下及其危而棄之謂天下何蘇公曰然則奈何公

曰國自有主非閣下所急敵今全力在閩東事爲急閣下母歸廣州而間道疾走惠潮收漳泉未潰以控扼之猶可自立若必以擁立爲功謀議之間動淹時月待越關而後行則士必恆怯而不肯附難以守矣兩粵存亡在閣下東向遲速之間無亦憂疆圉之不固何憂無主北門之事願留一軍彥請以死守之不聽南安士民泣涕遮道留公蘇公亦不許至廣州聞□出潛桂邸監國梧州平粵伯丁魁楚柄用蘇公舊與魁楚隙不懌公引義固爭乃遣公奉箋勸進且請迴鑾廣州公瀕行數以惠潮爲言旣行而思文□□四弟唐王諱聿鏗者浮海自閩至紳士不得志於時者從叟蘇公擁而立之廣州

陳野先生集

卷四

行狀

七

改元紹武警官無暇日屠販之子高車於道中而公未知也西至梧州方上啟候令旨夜被酒臥漏下二鼓中使十餘人燈火連江呼陳主事船公驚起曰事變矣衣冠入對上御龍舟太后垂簾平粵伯魁楚侍承旨語東事畢因問曰今非戰則和二者安出公對曰不可我弱彼強以戰則非敵我直彼曲以和則非名敵急矣觀生若不悔禍亡無日矣悔禍則不得不請和於我無事而先求之示之弱也粵西之士不長於舟楫督府諸軍四出而未返其在蒼梧高峽間者大抵皆新募之衆也浮鷺鈍懦未見大敵以戰必不勝未見勝而戰焉遺之禽也故曰不可且天家之亂中州之產盡區區兩粵中不

以死仇讐□□而死於骨肉乎方今之計獨宜速返端州正大位以屬人心繕舟固險馳檄遠近摩厲以觀其變今南雄之守皆西山勁卒藉以取詔其勢必舉粵東十郡我制其七而使以其三代吾受敵從而乘其弊猶或可也何必戰上曰善明日擢兵科給事中齎敕還諭觀生時丙戌十一月九日也十八日□卽位于肇慶詔以明年丁亥爲永歷元年公東至廣州蘇公奏署公爲刑科都給事公止郊外不入使從人奉敕而遺書蘇公指陳利害廣州君臣盡怒而蘇公顧恐懼欲和會總督林公佳鼎以舟師與廣州總兵林察戰爲所詒一軍覆沒蘇公繇是驕無和志廷議水軍新敗無以爲守於是

陳巖野先生集

卷四

行狀

三

上幸西粵公西歸朝廷不得乃易姓名林居士入高明山中十二月□總督佟養甲提督李成棟甲士六萬自閩攻潮州惠州潮惠降乃輕騎襲廣州而用潮惠印符日爲文書郵廣州報平安蘇公不設備望日黎明唐王將幸學百官畢集或報敵至蘇公怒曰潮州昨日有書那得敵兵妄言斬之三報斬三人而兵溢城內矣唐王踰牆走出被執蘇公死之元年正月□在柳州成棟盡銳西向破肇慶遂圍桂林公出自山中臨西江之口望敵旌旗歎曰莫救也夫若乘其未定得奇兵徑襲廣州此孫臏所以解趙也時順德大盜余龍衆數萬聚甘竹灘上粵之餘兵敗將倔彊者徃徃依焉公駕扁舟獨詣

龍軍三日結其酋豪握手傾談人人得其歡心說以攻
廣州龍許之二月十日龍率舟數百從海道入遇敵百
餘舶於東莞焚之進薄廣州養甲閉城不出而遣飛騎
日夜走桂林追成棟軍城中豪猾夜起劫掠養甲不能
禁或獻計曰龍輩妻子財物皆聚甘竹羣盜無遠圖可
以虛聲走也乃流言曰成棟還勦甘竹且盡龍懼引退
然成棟得報亦解圍而東桂林繇是得完於是公起義
兵於高明使門人生員馬應房以舟師攻順德三月侍
郎張公家玉起兵東莞公與張公書曰成不成天也敵
不敵勢也姑置勿計今主上殷憂王師風鶴若得牽掣
敵騎使數月毋西則潯梧之間可以完葺是我不必收

陳巖野先生集

卷四

行狀

完

功於東而收功於西也張公然之敵自是不能復西四
月成棟敗余龍於黃連焚舟二百應房迎戰亦敗死之
公身下江門收其燼餘軍復大振養甲患之使數十騎
掩公家於龍山獲妾何氏二子和尹虞尹遺書招公公
不荅判其後曰妾辱之子殺之身死朝廷義不私妻子
也其後養甲卒殺之公約衛指揮楊可觀楊景焜爲廣
州內應而說花山盜三千人僞降得守東門於是與大
學士陳文忠公子壯會師九江約文忠從徑道攻廣州
西南而公從海道攻其東北且邀成棟歸路期七月七
日薄城城中人三鼓皆發期約既定公引軍而東文忠
遂以五日薄城城中人固俟期而文忠家僅有乘馬張

檄城下者爲養甲所得一鞠遂吐事實可觀方與景燧
計事聞文忠攻城驚曰死也奈何先期負我此必洩矣
語未畢捕騎至養甲使引餘人可觀怒曰所以屈身爲
若輩用者正爲今日丈夫斫頭耳終不緩一死殺天下
英雄也養甲並殺之而犒花山三千人伏甲士于空院
分伍而入入則斬之成棟方敗張公于新安聞之趨歸
公偵知之度其夜當至禺珠乃密令治火具使報文忠
曰成棟夜至必遭吾火懼其餘舟奔突請嚴陣待之青
旗而朱旂者我師也夜半報至文忠未卽傳令七日鷄
鳴成棟至禺珠火舟縱橫起蘆葦間公引軍旁擊之焚
其巨艦數十成棟率輕舟前走公乘風追之環城而西

陳巖野先生集

卷四

行狀

三

平明迫文忠軍養甲從城上擊鼓助呼喧聲震天文忠
諸軍望帆檣千翼蔽空而上者以爲盡敵也陣動文忠
雖知之然倉卒傳令不及後軍拔船先走成棟因擊之
遂潰公乃收兵攻城城上揭可觀景燧首公祭而哭之
轉攻三水高明並復之鏖戰新會香山間一月十餘捷
清遠衛指揮白嘗燦舉城迎公公率軍赴之池水諸鄉
釋耒耜輦芻粟以佐師四會韶連翕然響應廣州之咽
喉中絕成棟盡銳爭之公設柵江上以拒成棟成棟不
得戰值天北風總兵霍師連以火舟出柵先擊成棟舟
成棟敗走師連率舟追之數里風反成棟因火舟以攻
我我舟却迫柵不得入盡焚退而守城成棟圍之數重

十日不拔周行郊外見古廟曰得之矣乃伏人廟下穴地及城剗城根而實之火毘戰酣火發城崩十餘丈公率死士巷戰自曉及午頸被三刃左右死傷略盡走朱氏園亭題詩于壁曰無拳無勇無餉無兵聯絡山海矢佐中興天命不佑禍患是嬰千秋而下鑒此孤貞又曰平生報國懷深望斷西方好音已共萇宏化碧還同屈子俱沉又曰戀闕孤懷盡懸絲一命微負傷如未覺無淚不須揮魚吮艱貞血水爲賻襚衣祗應魂氣在長繞玉階飛書畢赴池敵騎適入引出公曰我陳兵科也檻車致之廣州養甲欲降之使醫視創膳者進食公笑却之問何言公自書生平一紙及清遠題壁三詩養甲亦

陳巖野先生集

卷四

行狀

三

笑袖之下於獄五日不食端坐賦詩意氣陽陽若無事者養甲知不可屈遂見害臨命歌曰天造兮多艱臣也江之游書生漫談兵時哉不我與我后兮何之我躬兮獨苦厓山多忠魂後先炤千古歌畢西向稽首受刃永歷元年九月二十八日也于時好事者爭投紙筆求遺書故臨難諸詩傳焉或言公被害時監某取視其肝肝忽躍着面驚墜馬歸病而死治其病者歐陽生言之嗚呼痛心尙忍言哉公歿後一月侍郎張公家玉戰敗自溺死又一月大學士陳公子壯被執死之又三月成棟以東粵來嘉公忠制曰邦彥奉敕宣揚叩頭泣血山林感奮義勇願忠却敵西牽之東顧醜釀

□□□□中興之業實賴爾二三臣起義之功加贈兵部尚書廕一子錦衣衛指揮僉事世襲賜祭二壇加祭一壇全葬仍咨內閣擬諡行地方官設廟歲時致祭公長身美姿髯目炯炯視日不眩爲諸生日剛毅喜任事每郡有大議諸薦紳會坐或至終日不決公遙於坐末申論可否了了數言聽者折服諸大老或先期就公問所宜其在邑令所經畫必取決於公癸未秋傍海所在盜起公乞餉於富人募鄉兵拒之明年春饑公又乞粟以賑餽粥百日食者三千人富人服其無私卒莫怨也其卒也門生耆老爲位哭祭者相望于諸縣所著書多散軼存雪聲堂集十卷公生于萬歷癸卯四月朔得年四十五配南海彭氏今贈夫人先公卒四子恭尹馨尹和尹虞尹一女適同鄉舉人馮公顯忠之子生員惺和尹早慧七歲器識如成人與虞尹並歿于難馨尹死于軍恭尹逃之增城爲□知縣所蹤跡交友貢生湛粹破千金匿之以故獲免永歷三年七月兵部題奉旨恭尹淮世襲錦衣衛指揮僉事謹具先府君歷官死事始末伏請咨內閣擬諡并咨史館編錄謹狀

不孝子恭尹泣血述

門人羅大賓 填諱

陳巖野先生文集

卷四

行狀

三

附門人同在錦巖山起義死節者

馬應房 楊景燧 霍師連 白嘗燦 楊可觀

朱學熙 關鍾喜 霍達芳 高爲礮 花巡簡

錦巖僧性顯

附

馬應房字子龍順德雞洲人父義祥官雲南鶴慶府知府仁廉有聲應房弱冠補生員師事陳巖野先生廣州之陷研淚爲文告孔子將歸死□學宮其友曰子無徒死甘竹諸鄉盜舟千餘不可一奮乎應房勃然起遂從陳公往說余龍諸盜灑血酒中指天相誓龍等大喜率兵攻廣州應房在軍中指畫制勝出奇雅多雄畧陳公則身往九江招呼驍勇以爲應援龍等旣薄廣州斬首

陳巖野先生文集

卷四

附門人同在錦巖山起義死節者

三

數百級遽退曰城堅無內應不可拔也至虎頭門遇

大清兵舟師數百以計焚之溺死者二千餘人轉攻順德總兵李成棟猝至與戰龍大敗或勸應房亡曰吾有母遂就執縣令詰之曰若父爲太守若爲諸生何故作賊應房厲聲曰父爲太子子爲諸生世受國恩是以舉義何名爲賊曰若舉義何與羣盜爲伍曰書生持空拳非藉彼輩事不集文丞相招合洞蠻岳武穆指麾公率可謂非義乎今日有死而已汝何多言縣令遂沉之伏波橋下時年三十三陳巖野先生之學爲嶺南所宗前後受業者凡數千人一訓之以忠義屬當變亂相從起兵者自應房而下有霍師連楊景燧二人皆摧鋒陷

陣以死應房死最先次楊次霍陳公皆哭而祭之曰吾爲師乃不及吾弟子乎吾弟子爲君而死實爲師而死也自古死於君者多有之死於師者三子之外曾幾何人吾不可以負之頃之陳公亦死

楊景燧字杲生廣州後衛指揮僉事性豪邁負才氣博覽羣書精韜鈴騎射中崇正壬午科武舉師事陳公陳公與抵掌談天下事輒以國士許之陳公兵起景燧與楊可觀並約爲廣州內應事洩

大清總督佟養甲執其母景燧出曰吾母養甲曰姑釋汝母曰景燧須臾人耳執事旣念其母何不及其未死並十齡之妹釋之以瞑吾目養甲釋之又爲好語欲降之景燧曰汝若生我我不生汝養甲怒趣殺之景燧笑而受刃神色夷然詔贈都督賜祭葬

高爲礮字啟之廣州右衛指揮中三科武舉雄姿濶論練於方畧髫年曾從遊陳公謁永歷陞總兵官陳公兵起景燧約爲礮及廣州前衛指揮使張亞黑象賢並爲廣州內應謀洩被執大罵不屈養甲割其口鼻爲礮仍罵與象賢同死

楊可觀字龍瑞廣東東營韃指揮使爲人方面豐頤白皙美須眉說劍談兵豪雄自喜隆武時走天興上書授柳慶副總兵未幾廣州陷可觀解甲僞降佟養甲將假以兵會陳公與陳文忠兵起攻廣州可觀陰結壯士分

陳巖野先生集

卷四

附聞人向在錦巖山起義死節者

十四

買廣州諸門將斬關以迎養甲嚴邏重購諸大姓與城外耳目可觀之家奴以私事懼發覺且利購金乃具首內應事謀洩養甲執之使引餘人可觀怒曰所以屈身若輩者正爲今日丈夫斬頭陷胸終不緩一死以害天下英雄也慷慨大罵養甲殺之搜戮其黨數百人衣縫中皆有桂字桂王贈可觀都督賜祭葬

霍師連字連生南海人文敏公韜之元孫也師事陳公隆武初以生員募兵勤王授遊擊將軍以功陞副總兵廣州之陷師連詐降得守三水陳公兵起師連邀誘養甲屬官數人斬之反戈以應從攻廣州不利退至三水大小十餘戰斬首級千餘養甲畏其鋒清遠衛指揮白

陳巖野先集

卷八

附門人在錦巖山起義死節者

五

嘗燦舉城迎之師連與陳公往赴列柵江上爲拒守計李成棟至不得戰憤罵城上會北風大作師連出不意疾以火舟出擊成棟僞跳師連盡舟追之數里風反成棟因火舟相攻舟迫柵門不得入盡焚師連策馬渡河將走四會求救成棟追及甲重墮溺而死隆武贈都督同知賜祭葬蔭子千戶

白嘗燦字燦玉清遠人清遠衛指揮僉事當陳公攻廣州不克退取三水扼胥江口日與

大清兵戰互有勝負嘗燦患之乃與翰林待詔朱學熙舉清遠城迎之分門堅守成棟圍攻十日不拔穴城實以火藥戰酣火發城崩十餘丈勢如山倒嘗燦巷戰斬

十餘騎而死

朱學熙字叔子清遠人父士諒性豪爽膂力絕人其生年月日時皆屬虎行視如虎氣猛烈怒號則林屋震動蕭然如虎嘯也治古兵法邑近山多寇馳駿蹀手運精鍊銅鞭如飛入鄉盜出輒辱食率家健直擣截險要賊聞風遁去邑人皆依賴之嘗奉制府檄剪平白石湖之寇功成不受爵賞臨終取數千金券焚之使學熙講孟子當路於齊章曰管晏事功非聖人不可輕議也盡以古兵法及所爲王霸論邊防緩急粵徼利害授之學熙爲人忠孝質直至性過人留心經濟富世之務洞如少曾師事巖野先生顧喜爲詩歌古文遊覽山水嘗破數

陳巖野先生文集

卷五

附門人在錦巖山起義死節者

五

千金產疏治南禺北禺名勝一泉一石手自搜剔摩娑古木作青銅色築軒轅二帝子別業以祀二禺君爲山暉堂一時賢士大夫舟經其下輒就訪之學熙於蒼林白瀑間與之反覆經史論天下事幾精言卓識皆根本大道知如炙輶辯似瀆泉壯采奇姿輝映巖壑咸驚歎以爲中宿異人永歷初上書言恢復大計王曰名諸生也授翰林待詔廣州旣陷與指揮白嘗燦謀舉兵倉卒未就會陳公戰敗走胥江與李成棟鏖戰軍孤無援互有勝負學熙乘閒與嘗燦執知縣殺之舉清遠城以迎陳公遂入爲死守計兵食不給學熙輒傾資以供宿飽援兵登陣晝夜不懈志氣浩如也城破取先人兵法焚

之自縊死陳公巷戰不勝退入學熙青林州堂見其圖書萬軸左琴右劍奇石寶玩悉環之則學熙衣冠縊其中矣大哭之至西池躍身以入曰吾與叔子同此一勺清泉水淺不得死李成棟等屠城死者二萬餘人學熙平生所善多博學高才篤氣誼之士嘗於峽山最勝淙碧軒中奉十主皆古時氣節功業文章之彥魯仲連張良班超蘇武諸葛亮郭子儀韓琦寇準范仲淹王守仁朝夕事之以志願學嘗聚落英而封之於南禺號曰花阡學熙蓋天下深情人也惟情深故能建立大箇光明奇偉若是有南越廣艾及詩賦等集

關鍾喜字岳孫號嵩臺南海人崇正末年舉人性豪邁

陳巖野先生文集

卷一

附人昆在錦巖山起義祭節者

三

不拘繩尺天姿穎悟讀書過目不忘師禮陳公陳公復清遠使權知縣事城陷戰歿

霍達芳字懿誠南海生員從陳公起兵爲中軍授兵部司務永歷四年十一月廣州再陷達芳走文村下川之間與虎賁將軍王興凌海將軍陳奇策厚相約結二將軍分以舟師數百人使往來海上爲游兵舟輕士銳出沒波濤三載間戰多奇績一日以單舸護獲於四沙猝遇邏舟驚其存髮執之尙王鞠之不語姓名以家有老母也問曰降乎三搖其首遂遇害

僧性顯錦巖山東菴住持也順德人菴與陳公故居最近素交厚陳公會爲作募化引陳公在錦巖山起義時

性顯願統兵一枝隨陳公北行後守清遠城李成棟攻陷性顯巷戰力殺十餘人後援不繼爲亂兵所殄

論曰公詣行在有乞恩禡斥一疏謂人臣功罪視國安危主憂國恤之日雖遠臣散秩均之罪無可赦古今之嘗經也國家不造□□□三年之內大變三告敷天臣子但有可誅之罪更無可贖之功嗟夫向令百爾有位皆心公之心言公之言則何以有今日夫今日者三遭大變不惟有位凡人具有五常之性者皆宜盡爲君父以死也有一人而獨生卽非具有五常之性者矣夫公之舉義非有利害驅其前死亡迫其後也直爲君父之仇耳夫君父之仇一日不報則一日不可以生

陳慶野先生集

卷一

附門人在錦巖起義死節者

天

一日之生卽一日之死也一人能報之則一人雖死而猶生天下人不能報之則天下人雖生而皆猶死也嗟夫君父者天下人之君父而公若視之爲一人之君父故能報之天下人則視君父爲天下人之君父故不能報然則天下人不能報者不惟得罪於君父且得罪於公公舉義以丁亥二月在粵諸公之先崎嶇山海激發俊雄首攻廣州以挫□鋒分徇州縣以疲□力□鏖是

不敢輕粵中士大夫已而諸公義旗競建南海則陳文忠主其謀東莞則張文烈奮其策嶺西一帶陸則恩平陽春新興東安水則順德新會新寧諸道名豪戈旌蠶起勁兵三十餘萬皆爲公之所聯絡水步連攻正偏分

擊使□窮於奔命凜然不敢西向而桂林行殿得以端拱無憂比之張巡許遠遮蔽江淮功誠相等與文忠文烈並稱粵有三仁誰曰不宜公之門人如馬應房楊景熈霍師連霍達芳皆一時相從以死雖忠義根于天性亦師友觀摩之所自也花巡簡氏里未詳養甲初破廣州署黃鼎司巡簡公起兵花巡簡招結土豪從之事敗與公同日死公嘗贈以詩曰既有明兵科亦有清巡簡一索繫二賢同舟負刑版兵科緣伊何髮長兵略短巡簡緣伊何土豪相推挽蹉跎陷圍城所恨見幾晚攜手赴泉臺誰爲奠漿飯嗟乎花巡簡何人吾恨不知其名使非公贈以詩則並其姓且湮沒吾嘗恨平原君朱建

陳巖野先生文集

卷一

附門人何在錦巖山起義死節者

无

之子罵單于而死而史不著其名田橫之二客自劉以從其主而史並亡其姓且也卽墨之大夫戰死而不得與田單共傳漢使之死匈奴者十數輩而蘇武以生還特著嗟乎錄其名而遺其佚名者非所以爲勸也謂忠義而必名名而後出於忠義又非所以爲情也嗚呼公之將士死事者必多其人而皆不得其名在忠臣義士之心固非慕其名而爲之翟義公云死國埋名其猶不慚信矣而獨載紀者之惋惜耳聞有僧忠顯者順德人從公起兵身被數十創清遠城陷戰死噫亦義士之雄

歟

又曰自公與文忠文烈三路連兵勢同鼎足於是廣州

